



遂初堂詩集卷之五

夢遊草

癸亥元旦和立齋都憲韻

庭燎光中淑氣回凝旒肅穆九門開梯航遠為朝正至
版籍紛從上計來龍尾日高看舞羽螭頭坐密促傳杯
雕蟲轉媿身無補也向班心踏紫埃

結隱蜘蛛有歲年浮沉何事齒羣賢大官良醞信足戀
故里春光真可憐史筆未如吟筆健荷衣絕勝錦衣鮮
明年此日楓江岸萬樹江花照綺筵

花朝前一日集曹正子齋分得西字

遂初堂集

夢遊草

卷下

一

薊門二月無花看數樹君家翠萼齊海內酒人同入座
屏間篆刻與分題臺臨皓月天街上樓擁春山古寺西
幾處尚為文字飲莫愁歸路醉如泥

正子有綠水送春帆句為賦二絕

清新何限小山詞五字春帆教雪兒唱比陽關第三疊

青門折盡柳絲絲

旅客歸心不可論聽來樂府黯消魂夢浮小艇桃花水

不落蒲帆直到門

從觀温泉應制四首

蘭峪盤山紫翠重環京拱闕秀千峰天分箕尾祥光聚

地接 園陵淑氣鍾乳竇出泉珠袞袞砂牀蒸暖玉溶
溶春來草樹光榮極總爲時巡駐 六龍

靈源微吐玉蟾蜍百沸新泉浸石渠溫清早知徵孝感
精虔兼以肅齋居躍龍起鳳通遙海湧霧蒸霞接太虛
詎比雲川與驪岫宸遊空自枉金輿

湯山溫谷尋常有不及茲泉瑞應多暫濯華池能益壽
微沾靈液可蠲疴繚垣封處彤雲密方甃承來玉露和
地出寶符原有意萬年 天子矢游歌

扈從千官簇仗來得瞻靈蹟共徘徊炎蒸信有浮煙井
奮迅真看出地雷一漱神膏先氣爽未探暖酒已心開

遂初堂集

夢遊草

卷下

二

張衡欲獻溫泉賦仰愧盤銘

上聖材

經筵恭紀

帝德周三極

皇仁沛八埏功成歸馬日化洽止戈年聲教風靡草光

華日麗天 宸衷還翼翼 聖學更乾乾念典勤咨訪

窮神積討研懋修親講幄殷禮肇經筵濟濟鴻列鏘

鏘劒佩連西清鋪玉几東觀啓瑤編藻火明丹展爐煙

裊細旃甘盤原舊學蕭傅本名賢磊落英詞吐春容奧

義宣圖書陳要妙謨訓闡心傳道貫天人表思浚爻畫

前凝旒存默辨摺笏總陶甄 主職彌綸大臣心啓沃

專涓埃仍補助海嶽轉崇淵禮樂規模濶文明氣象先
馬圖占物瑞奎聚卜星躔景運微生忝殊榮朽質偏近
光當此日延首詠平平

健松齋

黃山栝松天下奇懸針屬鐵龍鱗皮幽人移根植庭際
清吟細酌風披披嚴關一夜烽火作主人倉皇出城郭
避兵三年初得歸歸來門巷都非昨樓臺廢壞餘空園
鳥棲無樹啼黃昏嘉卉芳條芟伐盡亭亭獨有孤松存
松乎得全有天幸劫火燒殘節彌勁儼似英賢凋謝年
偉人特立鬚眉淨世家喬木非偶然摩挲手澤春風前
遂初堂集 夢遊草 卷下 三

壽孫惟一先生

卷舒迹猶龍動靜心若水我願師其人千載竟誰是矯
矯孫先生高躅世無比早通金閨籍華冠蘭帔眷言
念二親拂衣臥田里循陔掇白花晨餐潔滌灑高樓擁
圖書小園樹松梓問以塵世事嗒然但隱几東山二十
春捉鼻聊一起綠鬢仍飄蕭雲霄看曳履旋聞動歸輿
扁舟津門艤誰能洪爐中水臺清徹底味道乃遺榮達
生善知止柱史旣真人華陽亦妙士歌詩介壽觴永以

激頑鄙

同陳其年諸子集李木菴齋盆梅滿屋燈影橫斜

分韻四首

小堂容曲宴盤礴興悠哉可愛江梅種偏同火樹開暖
雲烘案隔霏雪拂尊來似有林逋老先春著意栽

驛使經年斷攀條遠憶誰玉顏高獨立鶴骨瘦禁持影
薄難分畫香清欲逗詩興酣移坐密揀取近南枝

飛騰三月序消渴百年身禮法寬前輩行藏漫酒人簫
聲天上月禽語夢中春堅坐無辭晚爲歡正及辰

朝簪雖自掛隱籍未全刪薄醉把芳草不眠思故山銅

遂初堂集

夢遊草

卷下

四

坑蠟屐底葛嶺片帆間香海茫茫白無因踏夢還

賜果二首

太液秋容雨後嘉亭亭珠寶隱霜芽中官小摘供新薦
內宴頒分及賞花浸入玉壺寒著露擎來湘管翠添瑕
聖朝正意精鹽味咫尺恩波詎有涯

碧節丹心味最嘉况從禁籞長根芽宛疑仙掌三秋露
猶想蓮池千葉花宛轉摘來水作繭玲瓏削就玉消瑕
承恩不覺歸來晚緩步清吟到水涯

送徐果亭前輩假歸

紅塵不上遂初衣畢竟言歸便得歸珠樹齊名天下少

黑頭勇退古來稀
山樓舊擁圖書富
松逕新圍藥草肥
準擬浚秋放歸棹
相將蠟屐訪靈威

送朱蜚鳴待詔歸里

遺經逸史笥便便
寥落儒林見此賢
垂老乍分藜閣火
長貧實少廣文璫
宦情倦似投林鶴
歸計安於下瀨船
回首柯亭莫惆悵
碧蕖何似紫萼鮮

送孫子立編修周星公儀曹奉使安南

安南古南交
疆索內聯綴
漢郡復唐州
歷歷猶可識
隔絕未千年
竊國非一氏
人民劇侏儻
山川足炎癘
蠻荒自君長
上聖所弗治
因其來享王
封爵時錫畀
干紀或

遂初堂集

夢遊草

卷下

五

陸梁徂征赫命帥鎮南
旣颺馳英公亦雷厲俄然定蟻
封何曾奮螳臂黎王今外臣恭謹自先世
昆池火洞然不爲烈焰沸以斯見褒寵持節煩天使
編修鸞龍姿文采冠清秘儀曹器閎濶剖決無畱事
推選自大廷竝命出天意八鷗擁旗榮光照華裔
鷄陵晨開木杅江夜濟交人舞連蠅交女歌蹋地瘴海爲清明
龍章儼天墜天威所震輝旁際日月竈寄語南荒人恩波
降非易煌煌金簡書誨以忠孝字數言貺遐陬千春庶
勿替

送褒城令

袞斜用武地君去正銷兵鼓角秋山靜烽煙棧路平截
筒傳早釀抱犢看春耕知爾冰心在廉泉相映清

送宋牧仲之官通永

梁園多詞人宋君今獨秀崛起工詩篇踵武高薛後黃
州思清婉雙江力雄富出入正變風一家自成就浩浩
六街塵飛軒無昏晝宴坐見斯人清吟鶴骨瘦開篋有
奇書列案無俗豆同好三數人聯詩時邂逅險語穿天
心奇思湧泉涌藉茲風雅林一洗簪裾陋君今忽鶯遷
駿駿馬東首高適鎮西川李邕守海右知君故通才智
畧恒輻輳飛騰樹功名藝苑詎能囿所嗟長安中寂寥
遂初堂集 夢遊草 卷下 六

送价維弟令阜平

阜平地是古行唐萬壘蒼山擁縣長城郭舊荒經翠輦
提封新割畫巖疆地偏案牘無畱事政簡詩篇有報章
課最還期飛鳥至無勞別夢繞池塘

送同年尤悔菴假歸二首

秋風無客不思歸勇決輸君便拂衣五字早年驚帝座
一官垂老傍彤扉青箱世業傳方永白首林泉願不違
最喜藝文新志就三冬藜火有餘輝

同薦同官共幾人
數君鄉里更情親
那堪絡繹催歸騎
不分羈孤剩客身
夢裏家山行處到
愁中肝胆別時真
書成我亦焚魚去
未許江村獨煮蓴

送御雲弟之關東二首

愧爾相從過二春
蹉跎猶是黑貂身
埃風漫擬扶高翼
斗水終難起潤鱗
風雪嚴關重覓路
琴書絕塞轉依人
不才累汝長漂泊
一聽驅歌一愴神

白草天邊凍雪飛
短衣絕勝臥牛衣
松山秀好供吟案
碣石橫堪作釣磯
但許射雕身手健
不愁懷璞識人希
棄繻關吏休相笑
看取高車捧檄歸

遂初堂集

夢遊草

卷下

七

瑞魚泉詩和李梅崖觀察

雙清心跡想前賢
露冕風流尚儼然
種就芳林皆讓木
移來曲沼總廉泉
禽魚興落濠梁外
嘯詠情同洛水邊
劉井柯亭還記否
題詩好寄五雲天

壽沈繹堂宮詹

華亭先生文章伯
早年橐筆遊明光
珊瑚珠樹出滄海
赤刀弘壁排東房
高步蓬山吐英藻
三長五絕無輩行
天下書名推北海
一家詩體尊東陽
殘膏剩馥盛沾被
風從景附爭趨踰
聖人當陽重文治
渥眷取置鞞座
傍羲爻孔象講
矻矻皇墳帝典陳
洋洋清切螭頭接

天語森嚴蘭殿廢 宸章揮毫往往依 御榻三公七
貴看堵墻世南戈法最遒勁僧虔筆勢偏軒昂片紙人
間重和璧寸緘海內珍明璫懸購鷄林與百濟臨摹雙
鈞兼硬黃由來玉堂領文翰宗工哲匠肩相望百餘年
來柄旁落詞門凌雜如蝸蟻灰劫過處藝林燼兵塵動
後文苑荒賴公崛起領壇坫三台東壁開光芒一代人
材歸藻鑑千秋文物資津梁浚山大澤不敢狎爲有龍
虎藏中央舊學凝丞最隆重宮端宰輔頻迴翔前星朗
朗出蒼震 九重倚毘非尋常豈無少傅香山社豈無
右丞藍田莊蒼生結望未可負黑頭且喜逢時昌黼黻
遂初堂集 夢遊草 卷下 八

太平有禮樂恢弘文治惟巖廊待公安坐秉密勿卿雲

爛爛歌垂裳

范節母詩

宛轉復宛轉女蘿附蒼松如何松枝枯蘿蔓愁霜風別
鶴鳴酸嘶迴翔顧其子節婦貴立孤報夫豈必死出亦
復零丁入亦復零丁孤甥幸有舅寡妹幸有兄膠膠鷄
晨鳴軋軋母夜織撥盡爐中灰作字教兒識辛勤三十
載兒身如舅長舅爲銀臺卿鄭山兒作青衿郎宛轉復
宛轉清波濯素練他時泉下人一笑堪相見綽棹表雙
鳥巍然節母坊寄言孀閨婦聽之慎勿忘

古意呈院長說巖先生九首

翩翩長離鳥千年一來庭
神人截嶰竹想像雌雄鳴
一鳴玉律和再鳴泰階平
雲門正六變簫韶方九成
德輝不虛覲天地開文明
誰能接彩翼翱翔游紫清

天不愛其文繁星燦無紀
北斗獨昭昭瑤光柄東指
節序以平分陰陽潛變理
天樞儼無爲端然穆清裏
月魄有弦晦河漢有迴倚
帝車鎮中天瞻仰無窮已

修表萬餘尺將造凌雲臺
伐石窮南山轉木浮江淮
役鉅事力繁衆工盡徘徊
何意公輸子褰裳惠然來
規畫妙若神指揮捷風雷
巧拙各呈能良楛無棄材
壯觀旣

遂初堂集

夢遊草

卷下

九

以就一覽雄八垓

天門高峩峩蟬冕森成列
驅馬如游龍炙手焰可熱
悠哉素襟人味道自娛悅
置身槐棘班而不繫華紱
門庭澹於水胷懷白如月
吾聞姑射仙皎皎餐冰雪
竭來塵世中聲利焉得紕

出山泉爲潦踰淮橋爲杗
浩浩九衢塵素衣愁化緇
陸生入洛來局促無可喜
幸逢張司空獎賞以國士
談藝或停軒論文時倒屣
傾心託末契繾綣無倫比
讀書二十年於今遇知已
鉛刀見淬厲感奮從此始

紀昌昔學射懸蝨如車輪
郢人遇匠石斲堊揮風斤
世

人貴耳食微妙安足論心賞良獨難遙遙待千春旦暮
一遇之膠漆未爲親朝華引夕秀後火續前薪寧無同
聲者賞譽貴其真

滄海王百川衆流無所擇崑崙作天柱部婁之所積天
地自廣大世人苦逼窄臆見膠不解同阡而別陌廓落
惟至人坦懷去籬柵是心如虛空織雲不得隔甘瓜抱
苦蒂終歲常脉脉雨露幸無私感彼春陽澤

江頭浣紗女灼灼青蛾眉衆女競稱羨謂言絕代姿一
入淩宮中猜妬橫見施巧笑伏針棘謠詠非一辭何圖
楚妃賢鑠金毀不移相憐復相薦瓊樹誇一枝團扇還

遂初堂集

夢遊草

卷下

十

皎潔未受秋風欺誓心銜恩德沒齒以爲期

甲枝棲鷓鴣高屋巢鸛鵲獨有海鶴孤飛飛將焉託暮
宿秋霜濃朝餐春冰薄仙人浮丘公九還成大藥愛此
好羽毛控之上寥廓西遊覲王母東去訪海若千歲一
伐毛沈瀝供飲啄寄言乘軒者齷齪安所樂

興安將軍歌

熊耳山頭賊如蟻磨牙殺人血流水千金白璧不受污
哀哀節婦投崖死節婦死孤兒悲拔劍走馬東西馳興
安將軍目如電奇兒骨相封侯姿移師壓賊賊瓦裂懸
頭牙門兒仇雪行求母骸母有神身死不腐經六旬土

人葬之七尺墳孤兒來歸墳草新手提仇頭醜仇血涕
淚灑作秋空雲草蕭蕭松瑟瑟四十年來土花碧興安
將軍紫駟馬却是當年報仇者

贈蛤菴和尚

新仕翊
教寺

杼山詩句夾山禪蹤踏師林二十年久矣毘耶無法說
不妨王舍有燈傳垂鈞定智珊瑚樹過鼓還驚尺五天
化盡素衣餘慧業雜塵腸賴法流瀦

贈智方禪人

善果寺
住持

京華車馬日怱怱愛向祇林訪贊公世事撥開殘芋火
塵心銷盡一幡風道人本自空真率居士何妨說苦空
遂初堂集
夢遊草 卷下

法乳由來雙髻遠禪枝長蔭帝城中

癸亥除夕

竟歲勞勞趁軟塵綸竿孤負澤中身百年荏苒同今夕
萬感廻環及此辰未老心情貪學道長貧生計恥干人
鄉園幸有如雲客相伴京華度好春

甲子元旦

雲門九奏聽分明廣宴班中忝綴名鶯吐一莖知律煖
雲開五色驗春晴朝回奉母餘懷橘燭一邀賓好試餠
但願八方寬帝力樵風牧雨祝升平

懷吳聖玉

楊雲墳草幾經春李燮依然北海濱
白馬清流塵劫事黃羊衰草夢中身
詩書且喜家風在孝友還看至性真
華表歸來應有日天涯愁殺牧羝人

懷雲從叔二首

嵩陽爲宰復嘉陵遍地創殘撫字曾
萬戶渴思慈母乳寸心清對玉壺冰
未邀鸚鵡薦人難事乍報鶯遷道可憑
取次扶搖風力厚一枝猶自養雲鵬

牟平僻在海東頭鷄犬桑麻自一州
官閣晝晴看海市油幢春曉對之梁
天將樂土酬廉吏帝乞閒身得壯
遊淨掃鼉磯一片石六鼇相待竝垂鈎

遂初堂集

夢遊草

卷下

十一

重遊萬柳堂

萬柳堂前楊柳枝枝拂檻復臨坡
開尊最憶陪遊地繫馬頻來儼直時
天下憐才唯少傅人間行樂只南池
而今東閣荒涼甚獨把長條有所思

重過長椿寺

寺門松老碧叅天松下虛堂竹榻懸
相國會分煨芋火諸生常預散花筵
大人心量無涯際塵世榮華有變遷
身是裴休舊賓客瓣香於此祝平泉

送魏環極尚書告歸二首

乞歸優詔苦難畱祖帳蕭蕭落木秋
豈得廷中無宋璟

懸知天下少韓休
冰霜標格垂青史
薑桂心情到白頭
去住從容恩數渥
幾人凝望比仙舟

故里猶存佚老堂
九宮山色對蒼蒼
便應勅喚逍遙谷
早見人稱君子鄉
益壽尚方餘藥裹
酬恩家舍有青箱
一丘一壑真堪老
何用成都八百桑

送進也叔觀察西寧

高秋擁節上崆峒
錫命光華迥不同
帝謂馬援猶少壯
人言裴楷舊清通
金城遠扼河湟險
青海平臨磧嶺雄
臥護諸番非細事
籌邊好答主恩隆

爲王幼華給諫題五詩人圖

遂初堂集

夢遊草

卷下

七

維揚城中十萬戶
銅山峩峩守羣賈
何來索寞三四公
抱樹秋蟬獨吟苦
詩翁髯孫推老蒼
汪生後出何堂堂
異軍特起吳與郝
清詞秀句相低昂
關中王郎太奇崛
成名不肯事干謁
獨身負笈遊江淮
把臂入林稱快絕
紅橋齒齒楓斑斑
五君擁鼻吟其間
豪情欲瀉一泓海
幽夢迴落千層山
竹西笳鼓紛無數
走覓王郎不知處
時時山寺見題名
往往城東有聯句
江花催人客將歸
主人傍徨客徘徊
畫得容顏作卷子
一日相思開一回
嗚呼交道今如綫
陳雷張范不復見
風從雨散合復離
勢利之交古所賤
何意風塵有五人
性情不薄肝膽真

到今未覺山濤貴當時豈厭黔婁貧我披此圖三歎息
白雪丹砂好顏色黃塵冥冥天路仄十步五步愁荆棘
紫芝翩翩松幹直置身圖中老亦得

送同年高阮懷假歸二首

袞袞京華足啖名愛君鶴立有餘清終年晤對無機事
鎮日朝叅少宦情天以一官酬樸學人將百歲誤浮名
蹉跎此日裁歸去白髮蕭蕭別帝京

昆弟親情廿載前更添轆轤作同年鸞龍才藻人爭重
玉雪襟懷我獨憐杜甫有兒能誦選張融無宅且牽船
人生惟有還鄉樂只欠城南二頃田

遂初堂集

夢遊草

卷下

十四

送迂菴歸天目

迂公粲粲儒門子早年文筆看憑陵一朝披緇入天目
擺落塵網棲大乘大覺門風最巖冷公也警咳能親承
利錐痛棒不辭苦剝蕉脫笋穿層層偶然省母還故里
獅巖忽暗千年燈自爾頽然臥林野埋照頗類尋常僧
曾點何妨傲顏閔綺季豈必儕樊滕伊余託契在人外
愛子風骨能堅凝麻源團焦共煙雨包山絕壁同笠簪
我緣一官滯京闕君來何事衝炎蒸苦云本師久遷化
塔銘未立心馮馮十年僵臥此一出寒山片石求子昇
故人相見笑啞啞玉山屹立彌陵嶒三公七貴嬾干謁

千巖萬壑勤探登銘章乞得便歸去飄然萬里攜枯藤
道人於此無罣礙足豈足縻蒼鷹嗟余失脚墜塵土
無繩自縛良可矜六年一夢今始覺湯池躍出懷層水
正思汗漫遊五嶽羨爾健翮秋稜稜廬山天台幸相待
一瓢一笠吾能勝

寄懷逋菴法師

無著相逢慰索居天親踪跡近何如江東義虎凋殘日
郭北精藍整頓初魔佛自來原共劫鹿羊何必不同車
誰能見得龍潭後重檢青龍擔上書

贈湯中丞潛菴

遂初堂集

夢遊草

卷下

五

江東六七郡國家之股肱詔書昨夜下吳人喜填膺
天子自除吏湯公作中丞公實名世賢王署早延登出
牧關與嶺直若朱絲繩高臥二十載起應鋒車後再立
御階上赤管書金滕舉世競機巧無翼思騫騰公獨守
樸學玉壺貯寒冰竟荷特達知耿介

帝所稱琅琅金華殿端笏談衰興講義作諫書此事無
人能主聖獎臣忠綸黜俄超升旋命秉節鉞直道庶
可憑江淮民力竭災變况頻仍一物官盡取枯櫓悲杜
陵吏治沸蜩蟬官方混淆澠百蠹共一樹凋殘諒難勝
佇公一整頓嚴猛濟寬弘春陽溥德澤秋霜肅威稜

柱截衆流一使狂瀾澄野夫忝末契緒論夙所承南歸
在早晚衡門掩蒼藤雅化尚能歌擊壤有遺朋

曾青藜見過畱飲作歌

梅花千村復萬落曾君浮家此中著榻來相見春明門
白髮蕭蕭瘦於鶴長安交態非往年秋雲不似人情薄
八騶公卿不下士屠沽小兒勢薰灼模稜骨鯁兩難爲
仕宦何如布衣樂莫怪非才與時迂骨節不媚動乖錯
丈夫寧當骭髀老不合低頭受束縛槐根夢覺只須臾
洗眼坐觀殊不惡朝來雪花吹滿天恰值賣文餘酒錢
故人相見且樂飲世事過眼紛雲煙君不見尚書坐中

遂初堂集

夢遊草

卷下

七

老賓客幾人强健猶扶策又不見易堂當年英雋人大
半磨滅爲灰塵勸君勿悲亦勿喜人生百年而已矣功
名事業皆糠粃不如高臥梅花裏濯纓萬頃滄浪水

爲胡循齋題春帆落照圖

柳條搖溶映空水遙山蒼蒼近山紫含情送遠者誰子
目極征帆一千里江流不抵別意長無端百感來茫茫
江郎才盡恨不盡故畱別賦愁人腸平原使君茂陵客
一往濺情逗才魄秋窻教寫春帆圖楚水湘山割千尺
官燭題詩篇復篇縈情疊恨何纏綿坐中酬唱競好手
銀鈎錯落題蠻箋春明門外天涯路送盡歸人身欲去

河橋夜雨打孤蓬識是班駘送行處

續寫懷六首

野夫何事點朝班竟歲勞塵土間報國早知才薄劣
趨時長恨質疎頑蹉跎歸計愁衰鬢爛漫春花憶故山
深謝故人相料理飛章催送鹿車還
棲遲少小在長林酒盞書籤託興深傲岸不嫌豪士態
清狂微會古人心作官豈得行胸臆處世應知貴陸沉
莫問彈章出誰手勤攻吾短是良箴
承明清切傍天居僚友金蘭誼不疎昨日螭坳猶執簡
今朝蓬戶已焚魚世情信有羊腸險宦跡真成鴻爪虛
遂初堂集

夢遊草

卷下

七

未必芬芳比蘭草當門先已被芟鋤

鶴影爐煙講席重傳宣長在掖門東三年趨走紆天盼
一日推排割聖衷舊識蛾眉驚畫筆未捐團扇奈秋風
青蒲傳得咨嗟語腸斷孤臣泣轉蓬
亦知獨立理難全受命其如不可遷鶴性自來難籠絡
松身寧解學纏綿行藏豈免隨流俗面目終須對古賢
鍛翮剪翎非所惜無過使我不冲天

不束朝紳已涉旬居然林澤得閒身掩關正好看山色
緘口無妨近酒人萬古功名碁上劫百年身世隙中塵
老親一笑渾無事屈指歸期此度真

嗜退菴

九龍望浮玉遙遙碧峰對眷懷鹿皮翁結廬清溪內竹
閣眠翠微風琴發天籟冥棲一榻間曠懷逸千載從來
拔俗人託好寄煙靄藏身曉損益含光悟明晦天機一
以深世味澹然退弄水測清源觀雲窮變態羣象雖叅
差遠興各有會曾聞羊裘客垂釣富春瀨亦有周太原
出處同風概籃輿憶家園摩挲侶松檜只合具扁舟煙
波訪西塞千秋兩客星雙懸南天外

寄友二首

分手無多日相看已隔年琴尊餘客夢風雨悵離筵汾

遂初堂集

夢遊草

卷下

丈

水春流繞壺關鳥道懸雙魚何所寄祇有白雲篇
不得河汾信遙知逸趣深著書庭草長閉戶壁苔侵俯
仰看天地胸懷自古今多慚房杜輩空有濟時心

白松歌

房公祠前雙白松白如白玉蒼如龍龍身倒垂拂煙海
玉骨挺立撐鴻濛琅玕雕成冰雪淨千尋直上圓童童
清陰遠覆白渠水翠色欲掃明星峰此種由來不易得
郎官手向忠祠植二十年來大十圍扶持似有神明力
伊昔賊馬蹂秦川驅劫官吏霜鋒前幾人銜鬚作濕辱
幾人飲醜同譙玄房公三秦一男子嚼齒穿齧廿九死

長號絕粒埋空山一片丹心照青史至今祠廟畱池陽
雲車風馬來徜徉雙松託根幸得地孤高一氣摩穹蒼
君不見武侯祠堂錦城旁中有古栢叅天長唐時歌詠
漢時樹可憐人物相輝光千秋人過房祠下化石松根
堪繫馬苔痕繡出淚班班記取孤兒種松者

壽朱西仲尊人九十

九十游泰山吾聞榮啓期復聞周鬻子九十爲聖師隆
古人惇龐太朴完不虧善氣迎天和多壽固其宜末俗
競機巧醇醲變爲醜中壽每希覲况乃望期頤天都有
長者鶴骨龐鬚眉甲子不知數九袞當今茲問翁何能

遂初堂集

夢遊草

卷下

五

爾頌德非一詞慈儉爲身寶敦睦爲家規築堤捍水患
賁糜賑年饑宗親託廣庇鄉里蒙博施以茲荷天休岡
陵壽無涯駐顏非青精老非華芝衛生自有經種德
以爲基陰德猶耳鳴古人不吾欺請看翁堂下鬱鬱三
槐枝

遂初堂詩集卷之六

近遊草

禮懺畢贈諸禪師

人生事二親孝養苦不豐幽明一以隔報德將何從側
聞大雄教利濟靡不通霖雨漏泉壤大雲彌蒼穹哀哀
我慈氏夜臺去無蹤咯血餘孤兒追攀道途窮庶資空
王力幽贊人天中師林足龍象禮請來榛蓬懺摩演梵
唄象設開金容鐘魚清且肅瓶鉢虔以恭慧燈破暗界
法乳畱虛空羣品盡沾被疇能贊弘功吾母早薰修持
誦三十冬疾苦不散亂寧定徵臨終多感諸宿德勝因
遂初堂集 近遊草 一

此圓同庶幾登覺岸豈止生天宮殘生了無事誓欲叅
幡風無生倘可證海上有龐公

黃叙九過話有贈

一別動經七八載那能童稚不蒼顏陸沉我竟成何事
雌伏君能安故山風樹驚心同涕淚羊腸閱世足間關
結鄰只在南村好短筇長鏡任往還

訪吳東籬先生

燒殘劫火少遺民猶喜空江剩一人井底書函畱甲子
壺中藥物辨君臣仲連老去神仍王叔夜歸來性已馴
塵土勞勞成底事慚將小草對松筠

贈沈兼人

風雪關山道曾爲竝馬行衝冠能赴難掉臂不求名
別久鬢霜點談深劒匣鳴柴扉村徑裏誰信有侯嬴

喜顧茂倫病起

衰病長愁藥物難新秋何幸報平安天畱耆舊光星象
人爲詩翁理釣竿幻質悟來皆傳舍塵襟撥盡卽還丹
風髯雪鬢匡牀裏直當維摩小影看

悼顏氏表姊

阿姊閨房秀瓊林剩一枝清言良可味佳詠少人知
久別驚霜鬢重來只總帷謝公風度盡雪涕有餘悲

遂初堂集

近遊草

二

通濟菴贈密中講師

多年不到橋西寺爲訪深公踏月來龍聽法時雲巖殿
烏啣花處水平臺如歸僧衆飯千鉢似畫煙村渡一杯
願得法輪窮劫轉優曇長向講堂開

宿蒹葭菴贈石鄰上人

落日在漁網扁舟臨釣磯故人九載別草舍一燈微
有
道禪難縛無家遯始肥枯棹終夜響聽者自忘機

送沈雲步之官靈臺

丈夫作官不擇地一城一障足自試頗怪世人捧除書
佳惡紛紛生較計佳者歡喜惡者愁稻梁祇爲隨陽謀

黃鶴舉翮志萬里俯視齷齪良可羞沈郎早入南宮選
十載得官何太晚不及屠沽市上兒朝入緡錢暮手板
靈臺縣近古蕭關舊壘新屯極望間他人往往苦荒寂
愛君慷慨多壯顏大火欲流白露下單車迢遙指涼夏
崆峒山聳見河源陰密城深到官舍羗童能舞復能歌
粟金羊馬盟如何努力建監勿蹉跎名臣起家州縣多

贈邑令郭華野

高田宜禾下田宜黍言晴得晴欲雨得雨人人歌頌郭
明府明府未到時桑非我桑田非我田吏暴如虎橫索
錢十日五日在城郭婦子不得晏眠自侯之來有經有

遂初堂集

近遊草

三

緯賦籍五百萬屈伸在指鞭朴不煩逋租用理吏胥歎
於室農人悅喜案無畱牘聽斷精明大事令小小事令
平豪猾屏跡止訟息爭使我耕田鑿井白首不至縣庭
侯爲茂林蔭民於暘侯爲甘泉拯民於渴侯無去我爲
帝喉舌祝侯千齡第祿是掇

題巢雲堂

襪被懶於城市宿扁舟每過惠休家塔當簷際重重影
院入秋深樹樹花會意琴書禪不縛破愁酒盞律難遮
閉雲莫漫辭巢去相伴滄江老歲華

過純陽院訪曹鶴賓

道院禪居近接鄰，開披草徑訪幽人。
雙瓶有像仙畱蹟，一水無波龍隱鱗。
拙鈍金丹難換骨，蕭疎紫闕不稱臣。
松陰對奕鬚眉古，剖橘還疑是幻身。

挽迂菴上人

脫却儒衣著衲衣，三關親透截流機。
蕭閒不愛拈槌拂，峻利偏能檢是非。
白眼祇容吾獨賞，剛腸多與世相違。
年來飽閱病魔境，柳樑橫擔覺路歸。
廿年結契水雲中，相訪京華意氣雄。
却客贈金高士態，勸余勇退古人風。
褰裳擬踐名山約，彈指俄驚幻化終。
訣別寶華書一卷，還憑願力與流通。

遂初堂集

近遊草

四

德清訪章伯昇昆季

東衡舅家路生小，未經過已是兵塵隔。
那堪患難多書來，涕淚重夢去水雲。
訛此日真相訪，輕帆拂翠螺。外祖吾鄉宰餘，
徹骨清謳吟當日盛公論。到今明白草荒，
阡色濃霜故國情。子身瞻拜地，嗚咽想亡兄。
中表何寥濶，諸昆見倍憐。麻衣同毀寨，土室暫畱連。
薄俗躬耕好，衰門課子先。從今溪路熟，來往任年年。

報德禪院訪同菴上人

一道清溪鎖碧山，禪燈寒出萬松間。
枯巖久斷天人供，飛錫新攜岳色還。
機以沉冥偏透露，門因孤峻少躋攀。

我來欲叩聲前句白月當庭夜不關

贈體璠講師

下若溪邊聽講時青松猶記折殘枝八年塵夢我初醒
一劫寒灰君不知戴雪晚菘驚味美搏風高鳥恨歸遲
夜闌軟語誰能會落月金盆是導師

雲棲

禪門多丈夫雲棲最英特洞徹教與宗而不炫才識懇
懇修淨土自標一家則持以藥狂禪如匠操繩墨遷化
七十年森嚴想儀式招提指三千規矩能整飭鐘魚梵
天音竹栢太古色吾生恨衰晚不及見古德道緣殊未
遂初堂集 近遊草 五
淺一宿繩牀側遺文摩尼珠可以被昏黑庶假湛寂光
策我堅定力

宿韜光山房作二首

招提宅山顛而有清泉瀉濤聲亂陰晴濕勢無冬夏殿
門俯層巒萬象森在下湖帆曳林空海日升巖罅我來
歲已晚楓菊猶未謝白石淨可餐流雲駛堪駕浮生如
窓塵幾人得休暇遇坎且當止茅齋倘相借

嗜奇夙成性逢山必冥搜捫蘿晚來登愛此雲景幽巖
壁如故人清冷與我謀十年始再至所嗟歲月遒山僧
能好事燒笋沽新篋出詩過百幅雅俗頗兼收時時見

名賢隻字珊瑚鈎風湍鸞終夜疎雨時灑樓神清不可
寐似枕江灘流萬事足欣厭塵境有去畱誰爲洗心人
可與濠濮遊

兩阻韜光作三首

山行晴忽雨小住亦爲佳瀑怒欲崩屋雲寒時墮懷燃
松便靜坐煮蕨稱清齋豈必吾廬好巖棲願始諧
遊速每多悔何妨信宿停山宜雨餘認泉愛夢中聽洗
硯池光活翻書燭燼零枯藤與危石相對各忘形
百年原逆旅大塊本浮槎一別不爲客高眠卽是家榮
枯棊作劫聚散瀑成花汨汨成何事勞生只自嗟

遂初堂集

近遊草

六

觀高忠憲公遺墨

高公本大儒而亦通禪理三旬此靜坐湛靜觀無始講
學本心得定力微一死奈何今時人壇坫熾口耳紛紛
辨朱陸如刀割空水公沒六十年靜觀一彈指山僧竇
遺墨精光爛盈紙剖揭動靜關字字發心髓多幸得諦
觀茲遊不虛爾持此鎮山門玉帶安足比

冷泉亭

寺門泉水澹淪漪水面靈峰對不移黃葉一天霜落早
白松滿院月來遲濯纓清徹三生夢照影寒驚兩鬢絲
自是心情愛孤冷獨行惟有澗猿知

過蓮居菴作

爲愛蓮居講舍開衝泥三度扣門來黃雲滿樹鶴飛出
清磬一聲僧定回末法幾人修止觀孤宗此地有天台
真空本自無言說說得真空是辨才

訪張用霖

東郭先生負郭居蒼厓強健八旬餘少無機事惟探道
老薄浮名不著書覆戶清陰交竹樹隔牕仙梵接鐘魚
比舍卽蓮花菴到來每作巖棲想淳朴風規似古初

卓氏傳經堂

忠烈吾欽卓侍郎曾於史牒闡幽光孫枝一髮延宗祏
遂初堂集 近遊草 七

故里雙溪帶草堂篋古詩書餘漆字樓高奎壁有寒芒
鹿裘居士蕭閒甚注罷叅同藥草香

長至有感

至日曾陪扈從班郊丘親切侍天顏手攀玉樹爐煙裏
身跨飛龍輦路間放逐驚心移節序衰頽伏枕滯江關
相逢還有焚魚客搔首西風話碧山
時秦對巖嚴藕漁同客武林

德興謠

錢塘王起彪丁亥進士授江西德興知縣縣在萬山
中數創於兵遭金聲桓之變郡縣新收復君單騎之
官甫十日而山寇曹鳴遠襲破城執君君不屈幽之

天君廟廟後有間道走弋陽或勸君遜去君曰吾守
土吏死分耳不可以逃賊亦心敬公置酒張優樂延
公上坐公命演關壯繆單刀赴會故事至降漢不降
曹語賊怒白刃交下殺君坐上賊平士民請卹於朝
會撫按官連罷去不果君弟芳人言於余余義之爲
作德輿謠

德輿城中滿荆杞德輿山頭賊如蟻礮車轟城城晝啓
縣令到官十日耳賊爲將官爲囚戟手罵賊低賊頭降
不可逃不可快劒長刀環向我我心如鐵豈憚焚剖心
可對關將軍杯酒未乾刃交割噴空碧血凝愁雲雲爲

遂初堂集

近遊草

八

輪風爲馬忠魂傍徨德輿野褒忠無廟民愁思中朝公
卿知不知

徐電發假滿入朝余以事留武林不得送別却寄

二首

林居松竹未全栽又被鋒車早晚催豈可史書無我黨
敢云虎觀少人材霜濃橘柚寒仍綠水落魚龍靜不塵
遙想日邊諸伴侶眼穿剛見一人來
不共臨岐酒一尊無窮別緒若爲論立朝詎可因人熱
處世惟應以拙存蛇若就時休盡足蘭于芳處莫當門
尊絲風味年年美何日還來臥竹根

賣文行贈林鹿菴

古來賣文得高價前有相如後北海餘子瑣瑣不足言
猶聞數字酬繒綵當今重爵不重文鴻裁鉅手何紛紜
捉刀英雄饑欲死公卿侈口談皇墳武林林生有奇氣
一生傲岸骨不媚有刺不投貴人門有足不踏京城地
家無馬融帳室有黔婁被沉酣一尊酒磊落千萬字文
成諸體無不有斲輪削篋誇好手一篇還值三四緡爛
熒得錢便沽酒酒甕空時文易乞不問名銜署誰某掛
壁時時風雨驚緘囊往往蛟龍吼林生林生勿騷屑我
亦年來賣文活長安斗酒價千錢餅金不救衆賓渴蛾
遂初堂集 近遊草 九

矧苦少臙脂多文兮文兮奈若何

贈顏无咎表兄

吾姑四子惟兄在八十老翁神觀超境過榮枯皆夢幻
機忘物我總逍遙梁空燕壘烏衣改漏刻蓮花白社招
冷盡劫灰餘一老摩挲銅狄話前朝

宿菩提菴作

招提清絕一塵無綠淨方塘影竹梧劫火不燒龍藏寺
定光猶繞衲衣珠厨煙寥落住僧少溪月蒼涼坐佛孤
借問維摩老居士剎竿倒却倩誰扶

訪汪晉賢作

天涯朋舊關情極京洛遙遙入夢頻此際草堂仍握手
當年岐路轉傷神行藏桃梗漂還日事業槐根覺後身
好向墻東尋故約千秋大雅共扶輪

集沈峽源齋同陳堯夫汪晉賢高子威分韻

竹徑松門遠世塵林居仍是織簾身貧畱廉石傳家好
老著萊衣樂事真萬里江湖容傲吏一堂風雨集詞人
春光九十餘三日肯負先生漉酒巾

集華及堂分得翁字

不醉茲堂垂十載小松如葢桂成叢人因久別情逾厚
詩到無題句轉工四海弟兄愁病裏一春花事雨聲中

遂初堂集

近遊草

十

淹畱且復貪遊賞擬割清江著釣翁

寄懷周青士

故人出處如相避我已還家君出林皂帽可能爲上客
芒鞋還是遍西岑看棋局外無榮辱把酒壚邊有古今
何日買山歸計遂耦耕不負昔年心

挽曹秋嶽司農四首

耆英凋喪後夫子復云徂星落高天黑龍亡大澤枯風
流前輩盡知己此生無一夜西州淚平添白滿湖
辭章真哲匠風節早清流道大時難用官高志豈酬一
身文獻繫片簡是非畱史局紛如此嗟公往玉樓

賞譽尋常事眷余殊不羣直將風雅託頓使壘旗分倦
圃花園屋平山樹憂雲唱酬詩句在把讀淚如漬

聚書敵東觀集古富歐陽地下誰咨討人問好秘藏遺
文猶篋笥孤子正蒼黃準擬同朱十編題細作行

屐硯歌

汪郎嗜古賞鑿精不似豪家徒啖名百緡購得一古硯
其背均缺如屐形云是宋朝大內物奎墨龍香猶髣髴
何年流落兵塵中礪鏃磨刀苦埋沒幸遭識者重品題
國門重價雙懸黎名賢珍藏更幾姓淵源歷歷猶可稽
後來蓄者唐太常硯山酷愛同元章子孫貧窮不肯鬻

遂初堂集

近遊草

十一

懷金到門空傍徨天意欲歸文士手此物今爲汪郎有
一日摩挲一百回恰似叅軍得新婦想當此硯進御時
天孫拂拭宮娥持鳳諾朝題紫泥字龍箋暮寫黃麻詞
只今移入幽人室筆牀茶竈同清逸興至吟詩五字工
狂來揮翰草行疾硯乎硯乎爾安歸誰榮誰辱誰欣悲
寧居天上依山龍藻火之光輝寧居人間與文人學士
相攀追硯乎硯乎默無語試問汪郎硯之主汪郎隱几
亦忘言颯颯蕉牕響疎雨

太平菴

禪宇無塵到披襟五月秋池光平浸榻竹翠淨當樓古

德懷船子清詞憶惠休勞生疲負擔何計此淹留

渡泖湖

泖漲渾連海帆輕恰趁潮浮杯一塔小點黛九峰遙急浪催年鬢流雲笑市朝冥心觀物化來往任漁船

遊小崑山尋二陸故居

名賢餘舊宅聞在此峰陰傍泖孤村冷環山曲港深風

雲思將略泉石見文心祠墓嗟蕪沒殘碑不可尋

山下有晉

征北將軍陸禕墓唐黃州司馬陸元感墓碑文載郡志今俱不存

九峰禪院訪西賢禪師

九峰多梵宇獨此法幢存金粟燈傳遠霜松德臘尊藏

遂初堂集

近遊草

十一

函輝月窟龍藻躍天門莫怪耽孤寂湖光萬頃吞

寺內有

章皇帝御書

過頤浩寺訪橐菴和尚先兩月已應十八澗祖庭

之請與西堂參魯師夜話畱題二首

南朝遺剎村墟裏閣影鐘聲碧浪涵一徑曲盤靈隱路

數峰青割洞庭嵐名賢去後空畱榻

寺有夏尚書遺榻

龍藏焚

餘不記箇何日祇林還壯觀一堂凡聖與交叅

屢扣松關訪導師寒潭白月照鬚眉道尊南澗初移席

人古東堂好夢思法器珠沉須撈漉宗風瀾倒要拈持

護巢獅子能哮吼門外狸奴莫浪闖

宿拈花菴作

村黑投漁港更深欵竹扉暗香花不辨清唳鶴初歸夢
借繩牀穩談依佛火微蕭齋無筍蕨應爲客來稀
尚有團焦意茅堂三兩楹避人湖浪濶却供果園成地
僻疑無路僧高不用名息機宜就此簪紱愧平生

遜村報恩寺有感

臨流小市隱蒼藤古刹千年幾廢興海外浮來瞻瑞像
坐中脫去識真僧地幽劫火畱雙樹湖險蛟龍護一燈
可怪禪林多鬪諍相傾不獨白衣能

寄懷甘郡丞鴻書

遂初堂集

近遊草

三

繡轂花驄漢小侯何當行部古邕州檳榔醉過槎江月
吉了啼殘銅柱秋政美蠻荒原易治心清瘴癘不須愁
南交舊是中朝地好爲籌邊更築樓

寄懷吳商志

國士途窮日羈縲到百蠻澄懷祛瘴癘豁眼對江山勾
漏陶公縣崑崙狄將關論兵與鍊藥畱滯幾時還

壽鈕蓀如

漫說柴桑與鹿門幽人只在水南村貧餘雞黍家風古
老夢黃農素節存筆墨盡時知硯壽梧楸凋後見松尊
願從鷗鳥閑來往永日忘機話竹根

虎丘訪聖宣禪師不值宿丈室作

支公何去竹房清一榻清涼夢不成月透矮窓橫塔影
風來高樹亂泉聲一龕木佛無人事終古青山不世情
軟語夜闌能會否黃鸝相對說無生

姚節母詩

飛飛白頭烏啞啞樹上啼盈盈寒閨女嫁作良人妻結
襜始半載妊兒甫三月大鵬駕高帆倉皇告將別一別
經七霜兒身高於牀君歸抱兒笑妾涕沾羅裳歸來只
半載白日潛光彩一死誓從夫沉吟有孤在朝織一匹
縑暮刺一幅繡枯木無冬春淚滴重泉透荏苒雙鬢華

遂初堂集

近遊草

古

兒大能克家孫枝兼秀發苦蒂垂甘瓜嫁時年十七終
年六十九單棲五十春苦節天所壽白堤虎阜下清川
帶迴塘行人爭借問綽楔誰家坊無云闔德微天高而
聽徹簪笄慎立身視此姚母節

二姜先生祠

給諫孫
行人塚

軾轍齊名世早知百年忠義繫人思忠傳折檻排奸日
義想銜刀伏闕時兩地青燐埋宿草一山紅樹妥新祠
吳門野老多相識雪涕爭看幼婦碑

宿秦園作

暑濕舟難進山園曠始投微涼風動竹虛白水涵樓答

響蛩蟬夜交陰栝桂秋翻疑在京洛清夢此來游
何地無池館茲園天下聞禽魚親玉輦雲水學龍文盛
事圖經得清暉野老分逍遙元有谷不必遠人羣

陽羨道中作二首

曉山過盡暮山逢更有奇雲幻作峰密樹覆溪千百轉
眠餐都在綠陰重

淺渚平橋不見人桔槔聲裏漲痕新欲晴微雨渾無定
獵獵溪風颭白蘋

渡故城湖風怒甚宿蘆葦中簸蕩竟夕悵然成詠

越壩沿長川崦嵫日將沒舟人逐便風濟此南湖潤峭

遂初堂集

近遊草

五

帆三十里轉眄山一髮旅泊就空灘狂飈轉咆勃風水
樹菱蘆四俱善鳴物得勢齊怒號如翻地軸裂渺焉一
葉舟震蕩不得歇僕夫駭心魂披衣待明發生平飽風
波乘凌酷舍卒知難可預防未足稱險絕但當戒長年
慎汝維與紕

過水陽見牆角薇花訊知是孫編修予立故宅予

立使安南卒於道今三年矣悵然有感卽事成

詩

蒼睂玉立儼彤廷孰謂斯人不永齡燹道未傳郎將節
湘江先隕使臣星夕陽流水催年逝故宅繁花引淚零

一艇經過君識否鄰家哀笛不堪聽

高淳道中二首

曲曲垂楊短短蒲沙禽水鳥自相呼長官無事居民樂
縣郭三邊盡帶湖

水白山青引棹歌藕花風裏笛聲多浮家處處爲苕霅
自是無人學志和

輓同年高阮懷二首

衰病侵尋勸爾還冀便醫藥遂蕭閑誰知分手爲長別
漫想論心到故山垂老一官榮地下酷貧佳句滿人間
凌雲豪氣今何在白露成團漬草菅

遂初堂集

近遊草

去

死別吞聲有夢知素車遼濶到來遲十年客舍蛩將駢
五載朝端墳與箠才拙未堪題墓石力微何以振孤兒
萍蓬流轉悲身世腹痛多慚囑累辭

懷施愚山侍讀二首

宛陵山水君爲主而我來遊不見君歲月如流已除服
松楸漸大欲成墳人同北海名常盛詩比都官格不羣
威鳳九天嗟逝矣拙鳩巧鵲漫紛紛

少小慕君年地絕何期邂逅得同官望衡未覺過從樂
宿草方知會面難半榻涼風吹夢醒一帆斜日到門寒
青山盡是題詩處別遍莓苔不忍看

懷菴楚皖編修

少壯迢迢晚一蜚暮晴何必減朝暉乍看臚唱三天下
俄送靈輿隔歲歸背郭門闌仍索寞禁林花草自芳菲
同登幸有宮詹在好念西華著葛衣

已未及第三人
惟歸詹事在

三梅詩

淵公開美姿濯濯瓊林樹才名三十年春官遲一遇同
輩或公卿孤衷乃儒素壯游雲濤寬博古金石聚詩章
非一體澹蕩多奇趣作畫攄智懷乞者必遭怒贈我一
幅練雲松鬱盤互風雷謹護將通靈恐飛去

定九善著書雅好索精隱矻矻窮天人游心入無朕曆

遂初堂集

近遊草

七

術通中西算數抉元本俯察與仰觀洪纖莫能遜舉世
競浮華樸學多見哂豈知經世資用之不可盡史局難
曆書天官足矛盾誰能貢金門空山出芝菌

耦長名父子俊骨霜天鷹家風遠繩纘文藝非學能落
筆最清矯蒼然出鋒稜雲蒸氣始上川至思方增居然
萬人敵偏師酷憑陵性本愛儔侶而不混淄澠愚山涓
謝後索莫謝無朋珠盤今有託茲人方代興

贈沈方鄴

我慕文節公抗言觸權相拂衣出金門高臥芙蓉嶂茲
來訪裔孫吾子特個儻倚馬賦千言文壇老飛將氣靡

水犀軍目空雲臺仗猶然伏蓬蒿未得摩霄上貧還輕
千金困思守一障嘯傲山水間軒軒自神王清門信多
才窮達焉可量且共登松巖凌秋發高唱

贈沈公厚

耕巖第五子

有明重科舉垂亡乃徵辟峩峩沈先生丹霄鳳一翮抗
章彈中樞千官動心魄浩然歸故山迫此桑海厄土室
無冬春蝸廬自朝夕矢節以全歸遠繼文謝迹吳興有
斯人庶足光史冊我昔欽高蹤恨未瞻巾寫獨立望姑
山蒼涼水雲白令嗣多才賢季也璞中璧伏處韜其輝
先型凜繩尺仲容能禮賢招延爲上客古處相切劘冀
遂初堂集

近遊草

六

資韋弦益明河耿華星青松戴白石忠孝本孤行踵武
彌輝赫努力驚千秋遠矣君子澤

阮于岳邀遊敬亭同沈方鄴公厚諸子分韻

名山長在臥遊中此日攀登迥不同嵐翠沾衣雙塔雨
秋聲著樹一樓風騎鯨人去溪還碧放鶴僧歸殿已空
旋摘旗槍烹綠雪年年分餉憶詩翁

雨中城堞雨餘分樹底流泉樹杪聞強欲題詩慚謝朓
遠煩載酒愧楊雲一丘偃仰從吾老萬里騰鸞有數君
正撥歸橈復畱滯清霄猿鶴悵離羣

梅耦長見示木瓜唱和詩卷次王阮亭韻二首

山家珍果及秋鮮
摘向疎籬帶曉煙
觸手韻宜開卷裏
凌冬香壓早梅前
名先楚橘風人美
種勝吳柑圃客憐
底事南中無好詠
却令朝士補新篇
擊鉢裁詩迹已陳
摩挲手蹟一酸辛
驢鳴早有存亡淚
鴻爪都爲落謝塵
苦蒂同生悲物性
空名長繫感羈人
邵平恰欲鋤瓜老
移到家園景色新

題藕長小照旁有姬人倚竹而立

荷葉田田颺柳枝
旗亭爭唱宛陵詩
含毫欲叙西京事
腸斷閨人擁髻時

清溪一道絕塵氛
片石蒼寒對此君
怕遣才名壓朝貴

遂初堂集 近遊草

九

新詩寫罷付朝雲

詹在周張允仲招游鼇峰登培風閣望城南諸山

作

神鼇勢蟠拏仙宮
壓其背樓觀鬱蒼
蒼儼若三山戴
端居困炎蒸追涼
出塵外俯睇城郭
清平臨江山大
新篁淨嬋娟老樹
森蔚蔓潭空蓄蛟
龍像古勝光怪
真人產其中遺跡
宛然在圭色明蔚
藍劒文倒金薤傑
閣創鄭公茲邦有
遺愛梯空駕譙樓
遙山自呈態作吏
須文人啣杯多感
槩地主雙南金風
期敦縞帶好以鸞
鵠姿黼黻熙明代

經姜給諫墓作

青峰一曲抱愁雲中有先朝諫議墳往日兒童識鄒浩
到今野老哭劉蕢山頭樹屋稱殘卒地下戎衣見故君
埋骨便爲乾淨土豐碑華表漫紛紛

姜勉中學在昆仲之萊陽瘞貞毅髮齒於先塋扶
母櫬來南與貞毅公合葬爲賦二律

舉世爲柔舌黃門獨齒剛漱流春澗冷嚼雪海天長早
落逢多難全歸託故鄉一坏存骨鯁霄漢有光芒

客葬孤臣痛廬居孝子思長眠還有母守冢可無兒風
雪扶輻遠關河轉旆遲同丘仍別兆弔鶴有餘悲

遂初堂集

近遊草

三

題梅定九飲酒讀書圖二首

草沒城南楊子居玄經著就復何如世間文字看應遍
更讀旁行海外書

屠龍技就無人省且盡花前酒一杯溪水西流懸記在
緘籌畱待異人來

遂初堂詩集卷之七

江嶺遊草

金山

長江西來一萬里雷轟箭激趨東瀛金山突起扼江路
孤柱力與洪濤爭盤渦推盪崖壁轉沸浪跳蹙魚龍驚
有時波平天一色芙蓉倒浸玻璃明樓臺參差冠巖局
風帆縹緲空中行月輪洗出桂樹淨鼉背湧起三山輕
二十年前潤州道鐵鎖橫江防海島山面築城戍兵
鶴怨猿啼隔幽討只今窮髮不揚波六龍巡幸來經
過詔撤重城露山面皎如寨帳看修蛾白玉闌干浸
遂初堂集 江嶺遊草 一

空碧金輪寶刹光相射貝葉翻雲曉扣鐘羽衣坐月宵
吹笛畱雲亭上片雲秋紫海丹山一望收尋常不敢題
詩句宸翰龍章在上頭

發儀真遇便風半日抵龍江關帆駛浪高兩岸山

巒如畫

朝發真州城微風動蘆葦出江始峭帆箭激不可止驚
浪如雷鳴低昂逐船尾轉盼及龍潭迴頭失揚子帆山
拂水青鍾陵映天紫倒影入蓬窓層層錯如綺日盱到
長干舟人一欣喜何意笑談間汭流百餘里江行無常
程遲速不可擬便風良復佳牽挽亦恒理但當慎風波

涉險方此始

燕子磯

臨江峭壁不知數第一玲瓏燕子磯帖水懸巖長剪剪
穿雲乳石乍飛飛香車斷續來城闕梵刹高低出翠微
截住洪流關地軸分明形勢鎖南畿

大江滔滔東下燕磯緊鎖水口爲金

陵下

報恩寺

南朝四百八十寺剩有長千古剎雄拓地規模如大內
憑高形勢盡江東塔非阿育應難造像恐優填刻未工
誰似空王威力大吳宮晉苑劫灰中

遂初堂集

江嶺游草

二

朝天宮

飛觀崢嶸斗極邊百官曾此習朝天門依閭闔三階正
殿做舍元九室連幾度御香焚玉女到今清淚濕銅仙
齋房道士眉如雪指點疑陵一惘然

金陵詠古八首

金陵形勢真天造絕勝洛都兼汴京地盡南條收王氣
國依天塹作金城轉輸近便休民力屯牧優閑省衛兵
但得忠良守邊塞垂裳端可致升平

江東自昔多英俊龍變雲蒸不自由公瑾伯符何豁達
謝安王儉儘風流三分事業帆留影六代繁華水發漚

欲向荒原弔陳迹暮蟬衰柳不勝愁
濠泗真人渡六龍艱難百戰掃羣雄江東橋撤殲強寇
舊內門開表大功定鼎規模駕唐宋卜陵形勢擬岐豐
如何灑涕新亭後不得西陽一餉紅
金川門事最傷情逐燕翻教上帝京自古書生工悞國
誰令豎子浪談兵魂歸杜宇春猶泣碧化萋弘草不生
殉難從亡紛野史可憐真僞半難明
留都官務最清閑早出尋花暮看山三事徊翔皆散地
六曹坐嘯總仙班笙歌泛月船長沸燈火留賓鑰不關
歷歷升平行樂處華胥夢斷有無間

遂初堂集

江嶺游草

三

四家鐵騎驕堪戰相國丹心死不灰若使中朝無鬼賊
可能半壁便崩頽枕戈歲月唯荒涵巢幕心情尚怒猜
火照淮南翻撤戍晉陽甲自上游來

朱雀烏衣一夕曛桑田碧海事紛紜中山府第爲官署
大內宮牆宿禁軍艷艷火旗穿郭見嗚嗚霜角隔江聞
鶯花三院今何在草綠長堤似舞裙

天闕牛頭對兩峰三茅天際紫煙重挂冠吾慕陶弘景
築室將尋雷次宗塵俗喧卑難共語江山清曠儻相容
勞勞亭畔頻回首送客船窓有暮鐘

牛渚

大波轟如山小波剗如電奔騰頽巖間洶洶相攻戰帆
勢掃千軍篙力爭一綫披圖想牛渚絕險今始見蛟鱷
多奇形躍浪時隱見此輩水爲都何足窮譎誕浩浩紅
塵中物怪有千萬射工善潛形黎丘習變眩安得太真
犀一燃無遺盼

采石

采石磯臨大江浦姑熟當塗作門戶石勢盤廻一臥獅
江流湍激千強弩開平虎將不可當挺戈一躍三丈強
元軍風靡太平潰江東帝業從此昌時平事遠無踪跡
釣艇衝烟樵路白老僧推戶看殘霞估客落帆捫絕壁
遂初堂集 江嶺游草 四

吳頭楚尾水連天虎鬪龍爭事惘然狂殺青山李太白
騎鯨捉月送流年

天門山

濤江挾萬流直下飛電速天意欲少畱故遣雙峰束削
成肖天門湧出橫地軸惻如虎牙張矯若龍鱗蹙我行
遠見之瑰奇駭心目維舟思暫遊迨此暮景促鼓勇一
褰裳上上西山麓磴道屢盤廻梯空出巖腹崖危劣通
人壁窄不受屋攀登及層巔周覽岡巒復驚濤上濺衣
崩雲下承足恍如控奔鯨戲就滄溟浴海內多佳山寧
能徧遊矚到眼不可孤日入當秉燭

蕪湖關

歛關何所有天地一輕舸津吏應相笑漁翁故自豪購

書填客篋載酒壓江濤

市上買書數種水陽酒百瓶

鄉夢從今遠看

雲首重搔

蟪磯孫夫人廟

仲謀真虎子阿妹亦英流嫁與劉郎去能令魏武愁
恩垂緣兩帝魄毅自千秋借使生兒在還如後主不

荻港

百丈綠蘆荻孤舟傍渚汀夜風豚拜浪曉雨暈藏星爲
客知農侯論都識地形赭圻迴望好遮斷冶山青

遂初堂集

江嶺游草

五

大通驛

大通臨水市間道走蘇湖百貨魚鹽雜千家菱藕俱鄉
園七舍近書札一行無歸夢誰相攬淡更警雁奴

經車家湖望銅陵青陽諸山蒼翠萬狀遂登陸遊

九華

江行足風湍愛此溪路永沿溯得澄湖渟泓一鏡靜空
天碧無痕萬象森倒影靡靡葭菼溪落落鳧雁冷舉頭
見遙青飛巖怒而騁尖圓各異狀雄秀隨所領九華高
摩天一氣含芒穎削成九芙蓉照灼三霄頂吾本餐霞
人失脚墮塵境對此如家山得歸萬緣屏登頓憑肩輿

超遙度煙嶺嗟爾市朝人何年夢初醒

雙峰菴

雲端雙石笋秀色落江心何處恰相對茅堂開竹林蟬
聲催樹切虎跡印苔澗欲訪蓮峰徑殘陽紫翠沈

神光嶺禮地藏塔

度生弘願在曠劫渺難酬示現爲王子精勤作比丘心
空大海度緣合此山留石爛跏趺跡林香薈蔔秋地神
供土飯龍母趨靈湫枯槁爲清衆慈悲極滌流功勳一
期滿應化百年周真相留巖際神光出嶺頭皈依窮震
旦頂禮遍神州法界靈官護金錢御府收一乘真寶筏

遂初堂集

江嶺游草

六

三界本虛舟會得無生理幽冥何所求

化城寺

盡道靈山地藏開不知杯渡已先來琳宮直占蓮花菂
香沼如安明鏡臺壘押金經原內賜明慈聖太后賜
藏經押以寶壘
封隻履未西回大士遺履一
枚長二尺許僧房簇似蜂房啓留客家

家掃碧苔

龍菴

香刹遙看一抹青籃輿轉向此中停炎蒸不上三層閣
紫翠全收九疊屏屋後新泉龍女供夜分清梵雁王聽
苾芻好事能攜杖徧剔蒼苔讀舊銘

冥坐巖

大士潛修地雙趺尚宛然巖空眠似屋壁削望如船巖
合疑無地江翻覺有天由來叅觀者相見別峰巔

伏虎洞

徑險從猿挂崖危舊虎巢半龕留客夢一飯試山肴石
勢翻風旆峰稜疊卦爻應知習定者不受一塵滄

登天臺絕頂

九十九峰何重重就中第一天臺峰遊人千百無一到
往往氛霧迷樵蹤我來恍惚有神助迅風掃出青芙蓉
徑上層岡度陰壑風日凄凜如霜冬羣山漸漸覺低伏

遂初堂集

江嶺游草

七

衆石一一呈玲瓏如屏如笏千萬態造物所幻難形容
飛橋橫空最奇絕側足萬仞臨奔淙靈草輪囷九節杖
壽藤蟠絡千年松登登絕頂何所見千巖萬壑來朝宗
九子伏如馬仙姑覆如鐘惟有黃山三十六峰相拱揖
磅礴一氣分橫縱舉手摘牛斗俯身跨虬龍西眺江楚
東吳淞廬霍八九吞心胸乃知茲山撐天拄地自雄絕
何必虞帝望祀秦皇封

活埋菴贈默安禪老

九子山頭第一峰掩關枯坐有南宗街花罷供心離境
撥草無人路絕蹤脚下雲生長似絮膝邊松偃欲成龍

挂瓢只合相依住掃雪敲冰過幾冬

下天臺自龍口出山遇驟雨山徑險仄不容肩輿
跣足行巖澗中二十餘里却視諸山在雲海中隱
見出沒備諸奇詭賦詩誌快

天臺路氤氳其下常晴靈朝來僧牕中縷縷雲出砌謂
此無妨行出山志頗銳如何轉前坡雷雨竟狂厲却回
旣艱難逡巡亦非計行行屏肩輿赤脚下天際緣崖杖
孤撐遵澗裳屢揭沾濕何足辭所愛烟景麗峰尖逶隱
顯雲氣乍開閉或閃波中帆或露墻外髻衆壑瀉奔淙
瞥電無停勢逶迤歷山村取酒時一憩須臾斜陽明漸
遂初堂集 江嶺游草 八

次豁蒙翳千峰儼新沐晞髮遙相睇綠玉切無垠芙蓉
露其蒂平生嗜登覽茲遊諒難儷歷險境乃奇閱變心
始契思我同懷人強半班行綴此樂誰得知放浪天所
惠

樅陽

梅根纔過眼繫纜復樅陽遠愛地名古不知江路長杯
青山近岸夢白月臨牀鬱鬱旌旗色南巡想漢皇

李陽河阻風

久泊船依碇高眠浪擁沙無風增苦熱有月引思家生
事泥中絮行藏海上槎順帆多快意小住莫長嗟

皖江過都平倩侍御

江行經月無相識皖口今朝見故人並舍京華仍契濶
連檣水驛轉情親世途久已輕儒素關吏何曾恕要津

侍御頗爲
權關所苦

謂周計
百太守

登安慶迎江寺塔

江似長蛇走東海舒州形勢握中央山頭黑土新軍壘
郭外黃茅古戰場一水穿沙來皖口千峰疊翠拱池陽
居人寥落無相識獨挈殘僧話上方

余忠宣祠

遂初堂集

江嶺游草

九

艱危百戰守孤城赤手難扶白日傾力盡妻兒同抗節
義高裨校不偷生與朝褒禮還祠廟異代遊魂尚旆旌
慚殺白頭危學士謫官偏向塚邊行

磨盤洲

沙圍水遠一孤洲云是江南地盡頭不信今宵方作客
聽猿對月向來愁

馬當山

飛帆如箭劈流開遙奠江神酒一杯好風肯與王郎便
世上惟君不妬才

小孤山

落日銜丹閣驚湍滾碧岑鶻棲巖竇矯龍窟渾潭設
險神明意迴瀾天地心禹功疏鑿後巉削到如今

石鐘山

沿江山連連氣象但雄濶湖口見石鐘軒然特奇拔雙
峰似奔猊下飲湖波渴不知幾千載水石相蕩汨嵌空
山懸根透瘦石露骨側立宵斧斨中開象門閣亭亭吐
花跗蠹臺排箭筈翩若垂旌旖屹如具袍笏樓閣綴飛
巖流盼窮天末彭蠡靜如杯匡廬青可掇征帆逐天風
嚴關不可越卽境成淹留會心得趨忽水石有奇音鏗
鐘時一發欲驗坡公言歸舟候崖月

遂初堂集

江嶺游草

十

大孤山

名山不在大寸碧截中流勢蹴龍蛇轉根連牛斗浮猿
聲五老暮塔影九江秋聖女留祠廟青楓萬古愁

鄱陽湖

鄱陽疑少海南紀衆流歸漲蓄三江截沙明六郡圍鏡
光涵象遠黛色帖天微快絕瀉濠裏風帆一箭飛

望廬山

夢想匡廬道推蓬今宛然奇峰皆倒水高嶺不分天九
疊開屏障三霄挂瀑泉爲游莫草草小憩可窮年

南康道中

湖上殘霞逗晚晴
纖纖一塔隱高城
船舷蒼潤琴書冷
盡日廬山影裡行

吳城

水市明燈夜泊船
祠神簫鼓鎮闌闌
高檣重礎眠難穩
風浪關心是長年

自安慶至南昌可六百里三日便到風利颿駛馬
當鄱湖牛欄諸險俱於枕席上過作歌志喜

我從金陵溯江路一月甫到皖水陽夏多南湖浪惡
不知何時望南昌清朝幡竿忽前指舟子喜笑帆高張
初猶舒徐漸決驟大波砰擊聲雷碾過眼千村樹滅沒
遂初堂集 江嶺游草 七

拂舷兩岸山低昂小孤大孤過如鳥鄱湖粘天飛一航
南康風利不得泊吳城酒醒西山蒼計程六百三日到
尚淹半日湖關傍三老咨嗟歎奇絕此實天意非人量
我生百事苦遲鈍十步九蹶恒章皇志願蹉跎局牛輓
宦途偃蹇行羊腸往往退飛隨六鷁年年厄閭同黃楊
胡爲茲遊偏快意身無兩翼能騰驤宿世淡緣在山水
多生結習餘文章登臨嘯咏天賜與減足增翅元相當
更無多談快作達此樂殊勝南面王

滕王閣

高閣會聞化劫灰何年重搆氣佳哉臨牕白日三天近

拂袖雄風七澤來江抱龍沙文練轉山銜雉堞畫屏開
人間亦有樓居樂早喚羣仙絳闕回
碧海成田若木髯昔年臨眺幾人存有情會見江山老
終古誰令日月奔勝地名垂鴻過影空江人到雪留痕
三王詞賦猶磨滅帝子豪華何足論

鐵柱宮

洪都原積水城郭半龍湫不有仙靈出能無岸谷愁神
符百怪竄飛鳥九天游萬古支祈鎖蒼蒼鐵柱雷

遊西山翠巖寺

觸熱游西山興發不可緩從人笑其迂吾自策吾懶溯

遂初堂集

江嶺游草

七

游渡滄江登頓歷修坂落落村墅清回回林岫遠寺門
溪松根巾車到來晚徑就繩牀眠旋烹露葵飯老僧嗣
宗風標格頗蕭散相攜坐平橋四山青纂纂泉豐稻苗
肥石瘦茗芽短崖月懸古光谿風扣虛窾是心芬陀華
於何煩濯浣石磬本無聲一擊大千滿

同雪門和尚游洪井洞

雪公退院久足不踰團焦喜我撥草至松泉傾滿瓢靈
洞有奇蹤導游不辭遙涉澗凌亂石梯巖寒飛條懸瀑
從天來削壁垂藤橋一泓井無底下通章江潮傳聞古
仙翁神丹於此燒至今北山頂月夜聞笙簫洪厓去已

久綵鸞不可招

寺前鸞岡是吳綵鸞升仙處

但愛境清冷一坐萬念

銷大地無垢淨物情有紛囂岸故逐舟移月乃隨波搖

仙釋異閩闔定慧同根苗白石了無語還以問叅寥

豐城

山勢學龍蟠孤城枕積湍樹沈沙市暗星帶客帆寒文

物茲邦古兵氛到處殘亂絲愁史局那得揭文安

揭曼頌豐

城人修宋

劍池

碧天爲劍色秋水作龍吟神物化已久幽人感至今山

川多異氣廊廟少澁心不願充人佩何妨匣底沈

遂初堂集 江嶺游草

三

蕭公廟

豫章多水神蕭公產茲土癯然一村儒靈蹤粲可數端

居拯覆舟拔濟風濤苦百歲跌坐終甯形在堂戶航海

助星槎平苗張禁旅一一著神奇褒封垂天語至今官

商船肅拜奠椒醕古樟數十株輪困蹙龍虎託根依廟

孺千年脫斤斧愛此地高涼樓遲過亭午山光玉笥新

碑文宛陵古

廟有施愚山碑銘甚雅馴

欲續傳芭辭靈旗颯飛雨

峽江

峽江山對鎖不覺有江來船向羊腸出城臨虎穴開燒

畚穿嶺急水碓撥雲回客鬢先秋白何煩一葉催

吉安

廬陵自古秀人文
文筆織織上插雲
高第如林多石表
孤忠蓋代有荒墳
文丞相墓在螺子山
運移乍徙蛟龍窟
物索新遭鵝鶴軍
大業殘碑尋不見
寒沙落盡淺波紋

花石潭

一道清溪四面山
桑麻雞犬晝閑閑
武陵只在人間世
逢着桃花莫便還

十八灘

連山三百里夾岸
鬱相對一江穿其中
萬壑飛泉會落天
勢崩騰迫此亂石礙
班班碁縱橫落落星
破碎連蜷遂初堂集
江嶺游草

西

龍昂頭崩劣鯨露背
羣遊雁成行錯立
鳧失隊或如八陣羅
或若三門隘或銳如
戈鋌或頑如碓礮
覆釜在盤渦沈牛處
潛味淺溪無定蹤
小大各異態爲灘
百十重著名十八最
舟行路縈紆一線穿
齟齬長年莫自必稍
縱輒敗壞造物宜坦
夷胡存此硯礪得非
示艱虞無乃存鑒戒
茫茫人寰中對面阻
關塞有形未爲險無
迹斯可駭所願心地
平廓然忘情界浩蕩
乘虛舟逍遙八荒外

贛州

虎頭城下水周遭
獵獵秋風動節旄
扼吭地當五嶺隘

建瓴江落百灘高關嚴使客猶停旆俗健居民亦佩刀
定變文成真得地順流一夜縛宸濠

南安道中

紅船重換板船輕復渚廻洲次第行香草每欣初辨種
好山長恨不知名終朝帆影隨鴻影永夜灘聲作雨聲
行盡輿圖三四幅茫茫烟水尚南征

大庾嶺

北雁愁聞到却回游人何事溯灘來峰頭雲起常疑瘴
驛路榕多不見梅丞相鑿山孤廟在禪師留鉢五宗開
嶺上有張曲江廟及六祖放鉢石蒼苔冷石婆娑久數遍千巖翠作堆

遂初堂集

江嶺游草

五

南雄

又過梅關半日程亂蟬哀角宿山城池暄重理生衣着
夢冷猶循江岸行亭卒能言桑海事館人偏記禁林名
同官游嶺南者店主一一舉其姓名端州此去還千里更上漁舟一葉輕

始興江口

湏水飛流下枝江會始興戎樓依露樹客舫亂風燈鷗
泛初無着雲行安所憑開元一賢相垂老畏青蠅

涼風

嫋嫋涼風吹鬢絲鄉園景物最堪思曲江宰相風流甚
鈴索聲中賦荔支

南華禮六祖真身

醫王不虛生審病乃發藥佛語流教宗名相紛纏縛大
士垂悲憐乘願來濁惡現身不識字心光洞寥廓婆娑
老黃梅張網羅燕雀俊哉一神鷹寶珠當頭掠半夜奪
虎符三軍皆錯愕歸來隱曹溪潛光守屈雙多口談風
幡天龍識頭角崛起標法幢洪爐鼓橐籥盡掃筌蹄空
朕迹不留着心宗炳朝光義學掩夜燭至今衆兒孫萬
流稟一勺我來遊寶林璇房粲巖壑清溪駛潺潺香風
浩漠漠中有不壞身跣趺儼如昨肅拜瞻慈容悲感淚
潛落窮子久逋家金鏡未刮膜願垂圓鏡光彈指開樓
遂初堂集

江嶺游草

六

閣

韶州至清遠道中雜詩

我行泝江湖地盡吳楚域山水佳有餘未足誇奇特度
嶺浮滇江險怪乃莫測丹山信霞標白水真練織懸巖
龍垂胡欹壁鵬褰羽竹箭拔地圓旌幢摩天直得非神
鞭驅無乃鬼斧刻媧皇立極時斷鼇蓄餘力作此詭譎
觀用充樽罍飾混沌死中央儵忽有德色

滇陽峽百里兩崖狀如門江流日漱嶠崩剝露危根空
中頤霄削骨立龍虎蹲孤舟出其下凜然懷心魂石戴
萬篙眼壁縈千緯痕溯流行良難下峽如星奔灘激波

易駛林深景常昏奇峰遙迎送百千互卑尊或肖天榜
挂或疑鐵騎屯心賞不暇接目眩難具論古來投荒人
鬱結聲長吞壯觀有如此何必非君恩

中州山多眠嶺外山盡立或如跛而舞或如拱而揖袍
笏擁森森劍佩排巖巖造物巧有餘變態不相襲前奇
謂無雙後幻仍百十重華奏簫韶於茲百靈集石韻留
鏗鏘湘娥夜淚泣三十六芙蓉賞玩不遑給徵名藉榜
人驚湍如箭急

東坡愛茲江甘冽世無比智藥掬飲之謂似西天水我
非博物流但美清見底一碧涵空明萬象紛可指層峰

遂初堂集

江嶺游草

七

上干霄倒影見蒼紫何殊衆嬋娟畫眉明鏡裏涼風起
蘋末扣舷思君子上流濯我纓下流洗我耳

往時翫英石奇巧詭天成如何一拳小而具巖洞形茲
來見英山尺寸皆空靈有壁盡波皺無崖不雲橫峰爲
垂手舞穴作通天明乃知茲邦產小大無殊情石爲山
一瀦山爲石全瀦萬丈一巧石怪偉使天驚惜哉顛米
老空向炎州行尚寶袖中石取笑於鷓鴣

觀音巖

懸巖百丈枕江斜鳥路誰開大士家委宛一螺山透穴
玲瓏千乳石垂花燃燈人禮煙中磬乞米僧歸月下槎

去艇來帆如過鳥浮生流浪劇堪嗟

飛來寺

峽山古寺面江開鐘板蕭條過劫灰客爲江清貪久立
殿因山好解飛來鶴歸長認南朝樹瀑下特驚五夜雷
不用題名選巖壁前賢詩碣總莓苔

閱江樓

端州地扼東西粵形勢居然壯百蠻一峽束江寬似海
三山帶郭拱如環天清霸氣消龍虎月冷燐光出草菅
獨上高臺重搔首百年成敗一枰間

冠山樓閣象層城飄落天風玉笛聲鐵榦爲牆榕樹老

遂初堂集

江嶺游草

丈

銀鈎作字蘚碑明

樓下有平蠻碑

地經苦戰空梁在客到深秋

百感生安得如雲重締構庾公清嘯最多情

七星巖

中天之星尊北斗帝車盤旋握天紐因朝炎帝遊南溟
遺精化作七蒼阜一星一峰拔地出若斷如連奇復偶
萬山中央特青葱秀色常如新雨後排空一石骨咬嚼
寸土纖泥都不受天梯烏棧誰經營地肺神俞誰鑿剖
就中石室最空靈玉乳金膏垂數畝石鼓響激雷雌雄
石牀眠酣龍子母滿壑題名僣繡苔燭之不見捫觸手
螺旋蝸轉忽透空軒豁雲牕與月牖焚香僧似烏窠禪

對奕人如橘中叟玉屏一峰亦秀絕千尺蒼藤絡榕柳
扶燭臺橫劈斧皴銜珠徑仄當關守醉石欹斜石丈眠
飛雲狎獵雲龍走其餘諸峰盡怪絕天柱嶙峋與天友
琰杯隔水如側犀仙掌擎雲類駢拇蟾蜍峰高龍所都
阿波巖溪怪之較爭奇競巧各出意餘波猶皴峰八九
瀝湖環浸涵空明春波溶溶碧於酒倒景浴出千芙蓉
何如新粧臨鏡婦世上名山亦多有遠望玲瓏近粗醜
此山片片琅玕膚內含潔白外蒼黝雕鏤作器佳無雙
玉案雲屏世爭取天生靈質非頑材似與列仙爲苑囿
蓬壺瀛洲不可到武夷天台能勝否便思掛笠巢雲松
遂初堂集 江嶺游草 五

未忍鑄詩割瓊玖

靈山寺

遙江趨峽怒古寺綴山明窓納千颿駛厨歸一澗清僧
高無俗語客冷有閒情袖出端溪紫烹泉與細評

羚羊峽

萬里牂牁水迢迢赴峽門舟隨一葉下山帶薄雲昏羊
掛霜無跡猿啼月有痕誰能爲逐客於此不銷魂

朝漢臺

秦火燒阿房劉項方龍戰五嶺隔中州英雄乃乘便一
令起龍川虎嘯臨海甸北絕湟水關西阨壺頭巘居然

王一方地利珠犀擅九宇沸如湯茲邦獨清宴保障功
亦高霸業未可賤奈何椎髻態習與文身變竊帝以有
娛微哉井蛙見幸有陸大夫英風騁逸辨翻然去驕蹇
臣漢甘北面能雄復能雌丈夫不恒健不見述與囂破
亡速如電王國傳孫曾作計豈不善代遠廟貌頽誰爲
蘋蘩薦獨此荒臺存綠蕪寒一片北去羨秦雲南巢羞
越燕傳語後來人安危爭一問

光孝寺

越王有故宅後作虞翻園易寺名訶林壯麗聞中原揭
來更兵火地入龍驤屯戒壇委榛莽馬通高墉垣殿廷

遂初堂集

江嶺游草

干

尚宏敞寮舍仍星繁米顛題佛名筆勢鸞鳳騫西天菩
提樹輪囷見孤根神物枯不死抽條出雲孫虛堂奉大
鑿曾此談風旛吾道不在默至人豈無言狂飈走龍象
濁河倒崑崙惜哉鼻祖庭無有法幢存溶溶硯池水滴
滴曹谿源翻經人去久此意與誰論

海幢寺

珠江濶浮天城樓影搖漾隔江人煙稀花宮屹相向碧
瓦寒蒼蒼金容高十丈勢擬長干雄氣壓訶林壯雷峰
大導師門下多英匠阿公經濟材鉅剎能獨翔當年用
物宏頗傾王公藏問法來中丞布金資宿將鯨海翻炎

波旃林沒龍象俄聞議徹毀孤虛說何誑壯哉一唐生
海門力與波旬抗樓閣僅小殘琳宮竟無恙游人甫及門
倏然心神暢高樹垂涼陰遙山聳奇狀鐘魚答海潮蔬
笋參茹醬聚羶百萬蟻相將槐根葬誰能扣無生一真
消百妄

五仙觀

萬山翼番禺一江潛其懷天開都會地形勢何雄哉古
初隔中夏此土猶蒿萊翩翩五仙人被服光雲雷身騎
五色羊銜穀從天來粒此炎州民饒樂無凶災羊留化
爲石璘彬五瓊瑰以啟文明祥日夜華風開功德宜報
遂初堂集 江嶺游草 三

祀肖形在璇臺鳳簫夾雲旗髣髴靈徘徊甘霖久不降
大地生黃埃我欲傾天河霑灑遍九垓雨工倘可借帝
閭豈難排

大佛寺

峩峩雙門西綠樹覆紅墻佛殿如王居金身丈八強珎
捍琅玕砌桂棟旃檀梁誰能造此寺云是平南王殘僧
白髭鬚藩府夙趨蹕爲余談舊事雪涕秋風涼王門昔
鼎盛叱嘯生電光雄兵七八萬威制天南方禪校半旄
鉞厮養皆腰章歲儲百萬餉積金不可量冶布金銅坑
舶走東西洋奇珍溢天府瓌寶籠遐荒猶言生男多無

以充資裝不遺錐刀利欲厚郡塢藏嫌釁起家庭父子
爲參商遂釀彌天禍反甲連晉陽毒流徧生民身殘家
破亡財寶盡沒官他人居寢堂大男死都市諸男饑道
旁廢興三十年彈指見滄桑人生何其愚作爾如蚕忙
萬事漚起滅富貴安可常何如歸空宗日月浩劫長王
家滅無象茲剝獨輝煌廟祏依禪燈僅存此瓣香達哉
老龐公傾資沈清湘觀化如夢覺逍遙無何鄉

海珠石

羅浮脉渡海露骨在波心日映千帆駛青舍衆木滾龍
歸祠壁暗潮湧戎樓沈不淺乘槎興橫江獨釣吟

遂初堂集

江嶺游草

五

浮丘

浮山海上浮別派聳浮丘袖憶仙公把山憑佛院留金
容四面古丹井一泓秋徑僻人稀到林猿怪獨遊

六榕寺

六榕庭院古額是子瞻書樹拔風雷夕僧殘戰鬪餘塔
危時墮瓦碑斷欲侵鋤一刹知難整三空歎里閭

西禪寺贈翠庭禪師

菩提枯樹久無花應爲師來再吐芽白足早年工說法
芒屨老去始還家瓦缶聲中搗毒鼓化城影裡控牛車
龜峰便是曹谿路撥草人來徑莫差

報資寺訪曠圓禪師不遇

零落王家舊兔園
招提新改棘爲藩
方塘清浸如船屋
溪樹陰藏半郭村
坐久便同觀水月
悟來何必辨風幡
霜髭不見鐔津老
孤峭門風柳棟存

羊城雜詠

嶺表提封幅帶長
番禺形勢宅中央
萬山盡處開平土
衆水歸時聚大洋
物產殷饒兼陸海
珍奇輻輳引梯航
四時風候差調適
秋有涼颼冬有霜

中原慘淡鬪龍蛇
此地頻看舞井蛙
黃屋趙佗方竊國
花田劉隱復營家
負嶠莫倚九泥險
怒臂終遭齊斧加

遂初堂集

江嶺游草

壹

何似歸朝何左相

真

芳名留得史書誇

匡山尚住宋遺民
文陸當年事苦辛
窮海不春猶正朔

孤航無土自君臣
忠魂鬱作潮頭怒
浩氣蒸成蜃闕新

異代流風多感激
草間時有納肝人

嶺嶠初開盛武功
後來文物獨稱雄
端凝誰似菊坡老

崔與之

鯁直今無寒鐵公

周方

獻

人材元矯拔湛

梁儲譽望舊崇隆
可憐未造多卿相
殉國惟聞有一忠

白沙出處自超然
絕學鵝湖紹嫡傳
輕詆漫勞紆史筆

實錄載公甫應詔事頗多微辭

一官寧足寵高賢
江門浩渺思襟度
孔

廟清嚴見豆籩餘藝
仍看書體妙縛茅筆
勁掃秋烟

南園詩社明初盛典

孫黃

才華最出羣中葉歐

任大梁有

推秀婉末年黎

球鄧雲

擅清芬地偏未染諸家病風競

堪張一旅軍韶石淒清珠海濶湘靈雅調至今聞

中州人罕到炎荒泉石應多借寵光陸賈來時山衣錦

隱之去後水沈香宦游清白真難得遷謫羈窮也不妨

却憶柔奴好言語此心安處是吾鄉

鯨波久偃戰鋒銷閭井何緣轉寂寥商旅稀因添權稅

編氓愁爲急征徭石門泉冷知難酌集翠裘輕肯漫燒

北望天閭真萬里燭龍銜照莫辭遙

南州炎德實堪嘉歲歲常看不斷花露下佛柔籠火樹

遂初堂集

江嶺游草

音

風前含笑剪銀紗素馨愛產宮人塚鷹爪宜開處士家

擬效陸璣疏草木每經花塢一停車

十年清夢落羅浮乘興聊爲萬里遊觀海喜逢雲作市

釣鼈思以月爲鈎飛來蝴蝶瑤臺使伐就龍葱弱水舟

身是散仙無繫縛得淹留處便淹留

南海神廟

南海之神尊祝融百王望祀殷禮同廟門軒豁臨海岸

吟風嘯雨朝羣龍潮頭萬里射鱗屋日輪半夜飛鮫宮

介圭端冕王居中旁列六配稱司空涵滋萬物納萬水

德並覆載無終窮歷代碑文儼鱗次匠手竟讓昌黎工

象鞭玉研失藏器但見銅鼓斑青紅地靈木古多異物
綠毛倒挂駢根榕番鬼躩踞望其國波羅斗大冰漿濃
中華到此地已盡極望海島青濛濛我非使臣將玉帛
胡爲來此驚村翁揆奇每思到窮髮要觀鵬運搏扶風
蓬萊青丘去人近安期徐庶皆英雄六帆海船如可借
載我直過扶桑東

浴日亭

孤亭臨望盡重溟天水相摩不斷青日躍半洋皆紫電
潮來大地一浮萍鵬遊世界原空濶蜃吐樓臺自杳冥
何必褰裳慕蓬島當知此地卽殊庭

遂初堂集

江嶺游草

五

龍川縣

嶺外獨存秦縣古峰頭亂插夏雲奇趙佗霸業餘荒井
蘇轍才名有廢祠田依疊嶂人耕苦江落層沙女汲遲

撫字重煩賢令長獨醒偏在倒瀾時

謂允恭宗叔

南山寺

山當官閣秀寺枕縣江清天豁來帆影松長咽磬聲酌
泉驚骨冷試屐喜身輕坐對磬峰晚層層紫翠橫

東山寺

不見南朝塔山椒古寺存斷崖欹置屋修竹暗藏門石
勢排江轉溪聲挾雨奔浴風臨眺澗點點辨烟村

溫泉

清冷一澗水中忽湧湯泉信有金膏沸將無玉釜燃神
功驚莫測物性喜難遷不作華清開涓涓靜可憐

霍山八首

巨靈夸父有餘閒刻意標新造霍山高插奇峰九霄上
攢羅秀壁一屏間嵌空八面看難定峻拔千尋到莫攀
努力來遊非好事要傳天巧與人寰
遊戲文殊遺跡去青獅留下幻成峰橫身數里一石就
開口半天孤剎容奮迅便應翻斗極頻呻先已絕孤踪
撩天鼻孔無人拽一任千山落影重

遂初堂集

江嶺游草

庚

山間石屋尋常有不似靈龕數畝寬
僧衆盡於獅口置齋厨都向洞天安
唐宗龍臥街仍在夏后螺書蹟不刻
別有乾坤在巖腹下方只作片雲看

誰將月斧鑿天梯太乙峰高截素霓
壁削不容施鐵鎖頂平端可杖青藜
巖儲酒米爲天甕穴出風雲作地磨
一自藍喬上昇後鸞輪只在澗東西

一線天中透日明仙人逕裡浩歌行
森排劔笏朝炎帝對列旌幢擁赤城
樹挂懸崖都不死藥香幽澗總無名
石門鳥道盤迴上萬壑風從一嘯生

雙柱峻嶒聳碧霄綵雲黃竹並宮堦
上穿斗柄天常正

下貫鼇肩海不搖共語隔峰人似石幽尋仄徑樹爲橋
高僧相見無言說笑汲犀池水滿瓢

鐵船峰壓萬峰巔儼駕孤航泛碧天橈槳動移雲海裡
牂牁高繫日車邊旁看羣峭枝枝笋下瞰浮青朵朵蓮
呼吸定知通帝座凌空何必羨飛仙

誌公樓閣藹重重佛迹天泉路不窮峰上起峰方峭拔
石中抽石始玲瓏言齊衡岳應非妄論亞羅浮恐未公
恨落蠻荒少人見誰能飛挾去江東

別華首臺塵異禪師

應是前生有夙緣萍踪邂逅便欣然同觀浴日無央海

遂初堂集

江嶺游草

七

共踏飛雲有頂天說法憑君超性相論文許我透中邊
此心不隔毫端在莫問離程去幾千

贈鄭珠江前輩

誰能壯盛久林居谷口心情淡水如敢以南陔疎北闕
不將綵服換金魚三更海日供晞髮四壁松明照讀書
絕學江門如綫在石田可治待耘鋤

贈屈翁山

威鳳生來五色文覽輝不下離人羣三峰謁帝携毛女
五岳尋仙冠切雲筆落霞標天外見詩成鸞嘯嶺頭聞
靈均舊是風騷祖香草蛾眉併屬君

燕山晉塞早憑陵老去丘園自枕肱奉母安期蒲九節
著書弘景閣三層琴心久歇辭謠詠龍性初馴避弋矰
終竟才人須學道才華減處道緣增

酬別陳元孝二首

珠海東邊處士星長甘漁釣老沈冥早年不用山濤語
君有嵇晚歲猶傳伏勝經詩工遠舶爭求集書聖新宮
紹之痛銘燥髮知名今始識每懷鉛槧訪雲亭

不厭欽寄歷落人天涯簞笠最情親八分先墓光榮大
長律歸舟諷詠新林屋羅浮俱福地滄浪粟里總閑身
名山無恙藏書在雪霰何曾損竹筠

遂初堂集

江嶺游草

天

羊城行贈梁司農和吳慶百作

垂紳坐巖廊慷慨談經濟事變臨非常往往愁跋窻安
危反掌間一髮千鈞係自非名世資淵渟而岳峙誰能
笑談間轉圜無停勢名藩昔上書歸柄求宿衛中朝簡
重臣連營杖節制時惟司農公經略嶺海裔囊韃來郊
迎除館駕方稅洱海驟揚波驚烽燒八桂大帥公翻城
健兒私齧臂蒼茫五羊城颯沓風雨至輔車情依倚項
領勢牽綴鹿駭且走險馬怒將裂轡鐵甲宵有聲嚴城
晝乍閉維公坐巍然鎮靜若無事不震亦不聳沉勇而
深智從容調軍情愷切諭天意毒弩壞機牙鈎爪挫鋒

銳潛銷反側心逆破縱橫說番禺遂帖服屹立滇閩際
旌節徐還朝職貢來翡翠嶺表資廓清轉幹功不細由
來使強藩銜命非易况當危疑秋兵甲如羹沸退之
論庭湊杖節幾顛躓清臣使希烈履虎終見噬繫公獨
沛如風斤盤錯試單車鎮金甌威德誠莫二羅浮峰叅
天珠江流帶地磨崖勒鴻功永永庶弗墜

同許儀九沂惠州東江遊菊潭精舍登白鶴峰懋
東坡亭小飲舟中作

北嶺信清佳東江復澄朗放舟趁涼颺不覺川漲廣天
空鷗鷺明野靜菰蒲響茅菴枕江干陳跡猶可訪老僧
遂初堂集 江嶺游草 无
話劫灰山童拾栗橡照水增道心聞鐘豁塵想還謁坡
仙祠殘碑披宿莽百代仰人龍一身困鈞黨孤亭俯層
城江山在指掌信足慰羈窮于焉快吟賞紅荔鮮摘林
白魚肥透網觴來不虛揮興至每獨往雜坐忘主賓浩
歌隘天壤思從南溟魚乞作西湖長

周履坦爲余作品硯圖余酬以青花水巖硯因作

換見歌

周君知我有硯癖寫照遂作品硯圖圖成觀者驚神肖
兼得情性非形模一硯在手注目視元章之顛雲林迂
案上縱橫列數硯硯紋隱現如有無微茫點就鸚鵡眼

嫩白描出凝脂膚誰能貌人兼貌石嗟君嗜硯亦成癖
潤筆不肯畱一縑但索一枚蕉葉白君畫曾經奉至尊
含毫盤礴銅龍門日角龍顏親貌得霜天賜出貂裘溫
從此聲名重天下貴戚通侯爭乞畫畫價誠高石不輕
水巖舊號天子坑紫雲上品先入貢天球弘璧同光榮
只今零落兵斲手塗污不辨妍與醜君亦尋常貌路人
肥皮厚肉煩烘皴余寶青花等瑤璧駿馬名姬都不易
以君妙畫追虎頭割贈生平無所惜高情韻事兩相甘
畱與天南作美談欲賦新詩當券帖遠慚杜老近陳髯

遂初堂集

江嶺游草

三

水嶽蒼巖天下壯紫雲上品先入貢天球弘璧同光榮
巖此種各重天下貴如匪對年乞畫畫價誠高石不輕
含毫盤礴銅龍門日角龍顏親貌得霜天賜出貂裘溫
聞華不肯畱一縑但索一枚蕉葉白君畫曾經奉至尊
嫩白描出凝脂膚誰能貌人兼貌石嗟君嗜硯亦成癖

遂初堂詩集卷之八

海岱遊草

節母篇

京江有節母高門何渾渾伯兄爲御史季兄爲孝廉嫁
作文學妻婉孌睂初齊如何雙黃鵠衝颺早分飛夫亡
義當死遺腹幸有子一髮延千鈞艱辛從此始夫家無
田廬而復喪章姑兒饑火不舉兒寒泣呱呱御史遭難
亡門庭復憔悴獨依季兄居一室孤燈背晝紡絲軋軋
夜課書琅琅十年不下樓廿年不臨妝兒身與戶齊人
言能似舅弱冠登膠庠母始開笑口兒長可娶婦攜持
遂初堂集

海岱遊草

一

還家門昔年愁無兒今日欣有孫誰言一尺泉百折終
到海誰言晦死魄經天復光彩報夫黃泉下立孤事誠
難茹茶自知苦吞水自知寒綽楔表雙烏行從九天下
歌詩播清芬用告采風者

邗上贈孫豹人

關中自昔多才子近代得名康與李爾後作者絕不聞
扶輪崛起復見君君才堂堂萬人敵鯨魚掀波鵬驟翻
不將客氣驚凡愚淳古清真露肝鬲本家渭北秦山蒼
半生皂帽依維揚秦聲剛烈吳聲緩君能兼美無偏傷
廣塲詞客如塘泮君詩一出千人廢旗亭蕭寺墨淋漓

見君一篇瓊樹枝雞林爭購樂天集并布解織都官詩
往年天子開延英鶴書催赴彤墀行鷄鷓不樂響鐘鼓
一官強授鴻毛輕掉頭歸來海天濶百尺修竿釣寒月
意氣猶然大布衣翻憎過客呼官闕我亦逍遙露地牛
無端忽著金籠頭羊腸詰曲不可上蛾眉謠詠令人愁
歸來乎澗之曲山之幽秋菘春笋有真味豈必太官分
珍羞少陵一草亭貞白三層樓共君眠雲復弄月不與
菌蟪爭春秋

贈喬石林

疎狂我合辭金闕練達君胡返故園天馬能鳴驚立仗
遂初堂集

海岱遊草

二

芳蘭無罪坐當門便違藜火青箱在任卸銀魚皂帽存
從古文人多挫抑翻雲覆雨不須論

日日聯鑣尚恨疎那堪五歲悵離居漫誇向子工游嶽
終遜虞卿善著書讀易幾人知損益看碁此日悟乘除
興來千里能相訪銜袖新篇有遂初

題可帆亭

虛亭迥在水中央深柳新荷面面涼宛似一篙經碧浪
何殊雙槳泛青湘魚游天上餐雲影樹倒波心濯練光
莫怪幽人耽結隱暫來與世便相忘

園居詩十首

誰信高城裏滄波百畝寬長春花藥潤不夏水風寒隨
地皆三徑何人割一官羊腸飽經歷轉覺入林安
屋宇無多置軒牕面面開松疎無日漏竹密有雲來亭
擬虛舟敞橋依曲澗迴披襟愛空澗一芥盡浮杯
東山休捉鼻南垞漫焚魚且輟凌雲手來繙種樹書全
堤乞楊柳盡水予芙蓉百卉分畦布樊遲學不疎
籃輿無著處一艇往來便透入瀟湘盡移來茗雪天蘸
波千樹濕倒影百花然欲得浮家樂蓬窓自在眠
此中無俗客容我住兼旬割贈林泉趣平分懶散人偶
來時正美乍見物皆親天地蘧廬耳名誰是主賓

遂初堂集

海岱遊草

三

此地宜逃暑炎蒸六月無水涼侵枕簟林翠滴肌膚尊
至羈愁失風來病骨蘇翛然人世隔永日在水壺
性拙緣都減神閒夢亦清至文波澹沱天籟鳥嚶鳴侵
曉扶松立衝霄領鶴行機心渾息盡惟有一枰爭
芰荷千萬本併作一池花照水承初日烘天鬪晚霞餐
香憐靜婉吸露賞清華湧現青蓮界金繩路不賒
存訪皆同好淹畱爲故交經旬廢冠襪排日治觴肴曲
愛新聲奏書矜秘本鈔卜鄰吾有意梁燕已成巢
熊魚不兼取鵬鷄兩相憐借問雙藤杖何如一畫船端
居看蜃市鼓腹戴堯天不受塵勞縛身輕卽是仙

題喬石林侍直圖

天門峩峩開紫清，千官環珮趨無聲。聖人宵衣坐便殿，平章政事惟孤卿。史臣亦得聞密勿，記言書事職不輕。幾人當直曾論事，驪駒立仗不得鳴。白田先生仁且勇，致君堯舜懷丹誠。不忍災黎填巨壑，敢以赤手批長鯨。因承清問畫笏對，非非是是無將迎。金高如山不肯顧，更申讜論排盈廷。朝陽鳴鳳近希有，都人嘆息巖廊驚。迴天轉日在俄頃，不然海邦今沸羹。鑠金銷骨古一轍，白璧竟點蠅營營。孤臣去國何所憾，一日之絀千秋榮。往時我亦司記注，朝朝簪筆彤墀行。從無一言補袞闕，遂初堂集

海岱遊草

四

徒遭譴謫慚無名，江臯臥病聞壯節。飄髮欲衝冠纓，誰歎工畫寫此本。風儀挺特標金莖，宋廷侃侃立鄭俠。唐陸嶽嶽來陽城，男兒不朽要自致。百年富貴風中萍，吁嗟乎百年富貴風中萍。

戚烈婦詩

白田戚氏婦亡其姓嫁之夕未合，喬夫溺死池中。婦悲慟，畱詩褥下亦自沉死。洪武間事也。崇禎時，文文肅過白田，夢一女子自言我戚烈婦也。有碑埋故里，幸爲我發之。文肅諭諸喬侍御，侍御爲出碑建祠。祠在城東北隅，卽戚氏故居也。

戚家婦命何苦三星在戶未成婚夫死清池奈何許百年之好無一夕牽牛織女空相匹此身有屬將安歸一死從夫萬事畢遺詩決絕何酸辛英風凜凜垂千春發夢名臣憑正氣殘碑出土崇祠新人言烈婦可不死能死之人世有幾忠臣節婦根於心捐軀豈論恩淺深君不見西臺哭金川哭下士何曾食君祿

爲劉禹美題接翠園圖

雲綿綿樹芊芊何人鑿破鴻濛天萬个琅玕掃空翠千株楊柳搖輕煙清池一頃罩以蓮花何灼灼葉田田風亭卓立鷗岸迥畫橋折入漁梁偏科頭瀟灑松下客拍

遂初堂集

海岱遊草

五

浮容與船中仙人問何處得此景無乃鑑湖與輞川白田黃門愛蕭爽故營別墅清溪邊某水某丘本吾土一花一樹皆天然鷗鳥忘機風浪靜此中偃仰堪窮年只恐鋒車催就道未容清簟高春眠作圖攜之到紫陌欲令隨地開林泉公餘退食時展玩清風兩腋生翩翩人生亦要存微尚可舒可卷方爲賢何用輪衝與轂擊何須膠縛兼藤纏君爲熱官有冷趣定知風節能完堅滄浪亭中人未老異日猶能和子池上篇

贈淮陰張力田

六藝一曰書於學不爲小洪纖括名物深淺該理道三

蒼廢至今文人騁詞藻問以六書義吐口莫能曉至夫
書家流體勢驚工巧識字苦不多落筆愁顛倒張君產
淮陰樸學天下少枕藉許氏書精微析毫杪淵源溯蟲
篆波瀾涉隸藁金石及牋麻有蹟靡不討斟古酌時宜
自立一家表流俗不駭驚先民可繼紹在漢立石經千
秋作鴻寶當時崔蔡倫執筆非草草世遠經術焚此道
棄如掃安得登鴻生三體共研考勒石置橋門垂象日
星皎君今齒雖尊精力未衰槁翹車尚可招無爲掩關
老

贈胡周恪

遂初堂集

海岱遊草

六

倦客聊停下澤車幽人方著等身書凌雲藻思知名久
霏屑清談識面初老不干人詩骨勁貧維學稼俗塵疎
青箱付與佳兒了滌硯澆花樂有餘

贈陳東來

東來條議開盱眙天長古渠總漕王公採以入奏并上其家藏蟻衣生集

條議曾看入奏章藏書也復達天閭人生一節堪千古
五月披裘樂未央

題張燕三像

楚天放鶴高人事燕市懸壺濟世心儻遇小龍求療疾
神方還與乞千金

追懷邢太僕子愿

有明書家十數子北方傑出邢與米米書粗豪駭庸俗
太僕軒軒特流美秀不傷骨道有鋒玉山焰夜鵬摩空
得筆得韻信超絕竝驅南董人地同當日聲名高北斗
兼金一字高麗購今求真蹟尺幅無來禽之館傾頽久
徒繙遺集重咨嗟淹雅名通自一家擬議微嫌墜時轍
縱橫不礙舒天葩後生莫漫輕前輩往往一身兼數器
右軍經濟掩書名松雪文章韜藝事刀環水淺不成河
鹿角關前成壘多文采風流都已矣寒山片石重摩挲
贈邢搢石索其家刻

太僕書堂蔓草屯白頭猶喜見諸孫青箱不逐田園廢
遂初堂集 海岱遊草 七

墨妙還同栝椽存賀監摹書龍透爪丹丘藏本雪畱痕
重緜片石欣無恙尚想中郎對虎賁

贈東藩衛爾錫前輩四首

乍聽真儒報賜環野夫雀躍遠田間樸忠竟可邀宸眷
讜論何妨觸九關古鏡重磨光照地螫龍初奮雨連山
羣陰剝後孤陽復一綫天心自往還
莫驚方岳用詞臣袞職賢勞出入均行省異時稱副相
青齊自古號東秦澄清志以高官遂冰雪操從歷試真
膚寸出雲天下雨萬山一岱最嶙峋
論交折節感當年倒屣相迎一榻懸翻紐四聲同扣擊

丹黃萬卷共精研暫辭永隔鴻違燕偶聚旋分箭別弦
知已人生難再得夢魂常是繞汾川
已分寒蟬抱樹枯從今不復悵窮途修齡索食依仁祖
子美題詩主達夫日觀泉林諧夙願芒鞋竹杖健殘軀
只愁便擢台司去得盡綈袍繾綣無

贈臨淄令朱信昭

臨淄地是古齊都女水牛山儼畫圖疋馬我來閑訪古
雙旌君恰此分符梧臺雲物先秋美稷下風謠似昔無
吏治端須本經術史書循卓總通儒

呈益都相公二首

遂初堂集

海岱遊草

八

太平宰相就閑身玉曆平開八十春機務謝來添黑髮
林泉占處絕紅塵量涵大海羣流納興狎禽魚萬象親
青史幾多名宰執樂全難似公人
平津門下士如林謏劣偏蒙寵遇深捧杖每陪蕭寺坐
擘箋常和柳堂吟青霄鍛羽恩難報黃石畱書約可尋
樞謁門牆還不忝松筠相守歲寒心

贈青州守金立三

淄青千里控單車太守尊嚴岳牧如形勢東秦雄海岱
風謠變魯盛詩書畫輪行處恩膏沛驟篠過時疾苦除
天畔相逢話鄉曲不教客夢憶尊魚

贈益都令唐信賀

股肱名郡數青州首邑提封控上游駝鳳山高當閣見
淄澠水駛抱城流詩書萬戶民多秀禾黍千村歲有秋
撫字重煩賢令長風颯竹馬起新謳

佳山堂四首

結想茲堂勝今來愜曠觀林光浮壁潤嵐翠滴衣寒吐
瀑池清泚蒸雲磴曲盤過淮修竹少憂玉此千竿
奇石驚天落瓊瓏卓數峰垂垂舞袖安裊裊篆文重斷
就夸娥手飛來瓊島蹤百回看不厭盡日倚蒼松

層樓舒遠嘯踴躍衆青來劈嶺雙崖削雲門一鏡開秋
遂初堂集 海岱遊草 九

心霞外斷海色鴈邊回懷古無窮意官墻十丈苔

吾師休暇日一榻坐忘年把臂南泉老披襟綺里仙追
攀容下士觴詠及涼天最羨王文度龐眉在膝邊

長公
虞臣
年六
十矣

遊東海神廟作

去年南游到南海曾謁神廟看韓碑今年東游到萊郡
東海神廟復在茲叅藩使君王堂舊邀我飛鞚乘涼颺
連朝陰雨忽晴霽徑渡掖水凌崗陂遙瞻廟貌森枯栢
近陟神堂肅雲旗累朝嚴祀碑炳煥兩廡踊像龍躩踞
致齋丞尉亦專室訪古里嫗存偏祠

廟側有孫母祠母
曾識宋太祖于側

微今里人望海高樓出雲表下臨溟渤無津涯晴瀾無
皆其後裔風平若鏡一碧萬里鋪琉璃帆檣凌空亂鳧乙鳥嶼帖
水橫鯨鯢人言蓬萊方壺只在渤海內去人不遠風間
之所以秦皇漢武數巡幸褰裳欲渡勞夢思鞭石不成
橋採藥還無時何如長夜一夢寤出生入死同遊嬉清
都靈境難久住歸鞭暮色來崦嵫篝燈哦詩寄鈴閣此
樂千載疇能追

白雪樓二首

獨上層樓旅抱開秋空澄爽絕纖埃當牕嵐翠蛾眉掃
隔院泉聲風雨來曠代詞人仍俎豆滿庭碑碣總莓苔
遂初堂集 海岱遊草 十

雕梁畫棟知何限不共茲樓過劫灰

百尺高眠四海空滄溟文玷夙稱雄生憑婁水墳篋應
死耐虞山玉石攻盛世才華容傲睨達人官爵謝牢籠
清巖標格依稀在華鵲蒼寒落水中

闕里

讀聖人書爲弟子可能不到聖人門行經洙泗知源遠
望見龜蒙想道尊魯殿猶存傳雅奏檜枝不老秀雲孫
世家有例誰能續願得懷槩細討論

岱歸過江上同董閔石徐虹亭集曹峩眉齋

倦遊乍喜駐征鞍訪舊還欣話夜闌此日深林投足穩

古來直道事人難，劇場變眩看無定。碁局雌雄角未殘，江上數峰長自碧。尋盟歲歲莫教寒。

君山

君山硯礪一拳石，臨眺居然萬里寬。煙樹隔江浮寸碧，雲霞大海浴雙丸。地經戰鬪殤魂苦，山葬英雄俠骨寒。逸興偏能賞幽冷，一天風雪倚闌干。

寓齋大雪和閔石韻

歲晚城笳咽，宵寒野鶴呼。起看千嶂白，轉覺一身孤。薄醉松邊枕，微吟竹下爐。論心老友在，未敢嘆窮途。

雪中游山歸閔石見貽一絕走筆答之

遂初堂集

海岱遊草

十一

木落江寒客到稀，愛看殘雪坐忘歸。六鼇只在東溟裏，欲把君山作釣磯。

董閔石黃庭表錢宮聲小飲寓齋次韻

天畔懷人每惘然，可能相見不畱連。霜餘葵藿晚多味，雪後江山清可憐。蝶夢闌殘嗟往事，瓠尊牢落感頽年。五湖煙水無爭競，長擬追尋釣艇邊。

寓漫園贈裘翁

江陰俯大江，城居可吟眺。曹家園頗荒，水木乃清妙。古檜龍連蜷，白松雪照耀。池寬感風漪，石瘦攢雲竅。屋宇樸而文，煙光領其要。樓高見海帆，堂迥明山燒。主人滯

金門頗遭猿鶴誚念此早歸來就閒理耕釣眼明見故人懸榻欣相召分巖恣雲眠贈竹發天笑宦味刀舐蜜人情寒附爇奔車亦羊腸一跌未可料祭酒官不卑五旬齒非少及此娛林泉何殊夢初覺采采南陔蘭德養以爲孝廣受真可師光禹豈足效路只作烟川遊

遂初堂集

海岱遊草

十一

以餘卷與彙刊明次再豈致遊

向商燕史函典巽林泉向秋夢四覺采采南陔蘭德養人辭寒切獄奔車衣羊腸一跌未可料祭酒官不卑五人綴謝承時台長蠹恣雲翔顧於綺天羨爾想及庭室金門颯蠶意讀簡念此早歸來就閒理耕釣眼明見故人

遂初堂詩集卷之九

台蕩遊草

蕭山道中

溪小恰容舟，舟平可漱流。
近人山色淡，侵夜櫓聲柔。
岸花欹屋村，村樹拂樓都。
忘行驛路只，作輞川遊。

雨

越山吾所愛，一雨罷登臨。
小得蓬窓韻，全乖蠟屐心。
無聲宵漲澗，有影曙峰沉。
好締重來約，情於未到深。

曹娥廟

越國猶聞祠，伍相娥父迎伍君溺死女戎勝算竟如何。
江山欲

遂初堂集

台蕩遊草

洗胭脂辱故遺，寒門出孝娥。

十四童娥廟食長，一江猶借姓名香。
中郎老大無英骨，只向殘碑綴末行。

門生寧海令，辛祇傳來迎。爲停十日書，壁贈之。

君才惜不預蓬瀛，猶喜分符近赤城。
地僻最宏人事簡，民淳恰稱長官清。
褰帷坐對霞標起，拄笏遙看海日生。
儒雅定知優吏治，風颯試聽篔簹聲。

一筇踏徧海東頭，未到天台不是遊。
擬共寒山眠白石，却教關令識青牛。
生平懶作諸侯客，旬日聊爲故舊留。
賦就金聲能賞歎，草玄有託復何求。

客館遇王倩修見示新刻臨別有贈

文詞亦多門賦體最宏濶取材乾坤羅運思造化奪性
靈資陶冶物象賴綜括屈宋鑿鴻濛揚馬揭日月增華
踵六朝魚龍互凌跋唐模苦拘攣宋製傷佻達榛蕪遂
至今不絕殆如髮弱齡嗜纂言銳欲掃荒茆下筆時斐
然截流不用筏未能追淳古庶可免剽掇舉世悅繁絃
誰為聽疏越王君雕龍才詞鋒不可遏考古窮根株天
空眼雙豁選賦成一編出入嚴斧鉞胡為剪華貂而乃
存素褐倩修選古今賦
緒錄余賦頗多賞音亦良難相思渺天末邂逅
此津亭雄談慰飢渴少作真可悔塵言更當撥行將觀
遂初堂集

台蕩遊草

龍湫因之臥瓊闕冰雪練心胸吐語或奇拔還將擲地
聲慰爾烹魚札

謁方正學先生祠

太平良相學優為事到艱難節始奇力以一絲維九鼎
忍將十族博專祠潮青緱里啼鵲懷月冷龍岡語鶴悲
後裔可憐仍死國一堂俎豆最相宜先生十世孫忠奕
如井研縣死獻賊

躍龍山

一曲清溪抱碧山山頭終日聽潺湲高低塔影殘虹外
明滅墟煙野渡間水堆自春還自應松門無啓亦無關

之難十一世孫樹節蔭五經博
士國變不食死並宏禘祀祠中

臥龍正穩誰教躍灑遍甘霖及早還

贈松岩禪師

無錐可卓不妨貧雲壑高眼自在身問臘十圍松樹老
標宗九日菊花新惠持出定仍懷土梵志歸來異昔人
覲面相逢無避處一回鄉語一回親

贈香雪法師

台宗不斷僅如絲海畔欣逢老論師教義瀾翻瓶瀉水
定心清徹月臨池名藍謝却蓬爲屋白拂拋來偈作詩
散誕閑身無一事就談每到竹陰移

贈項潛九

有男

送初堂集

台蕩遊草

三

寒松瘦鶴儼儀型識是天南老歲星度世葛洪還採藥
辭官伏勝但傳經閉關足爲登山健避俗眸因閱古青
欲訊劫灰前際事披榛時復訪雲亭

國清寺

台山一萬重帝割爲佛國剎院如星羅國清最雄特地
從山神獻構自天家力劫火幾創殘規畫猶整飭山門
役神工杲暎淨如拭塔垂三天語松結太古色涵空一
沼清透霧諸峰直大雲昔昔兩人華此側塞神龍子其
珠金翅不露翼像教有興衰覺路無荆棘至人每同塵
對面難測識松門虎一聲喚醒三生黑

金地嶺

九里松風十里泉徐徐送客上青天不知華頂高多少
已覺羣峰帖地眠

銀地嶺

誰道山僧徹骨貧眼前大地總金銀我居立嶺君銀嶺
劃破虛空露主賓

高明寺

昔聞無盡師義學之龍虎力振天台宗道風秀南土揭
來造幽溪遺跡猶可覩繽紛雨花堂一燈燦諸祖教觀
羅百家珠淵而玉浦林嵐尤秀絕滾綠藏一塢山環來
遂初堂集
台蕩遊草
四
無門溪折去無所寂寂松關春濛濛竹陰午佛入法華
定天開青蓮宇得游非小緣暫面皆夙侶誰舒一握雲
去作彌天雨

佛隴

天台接天姥舊是神仙家葛許諸道流於此營丹砂一
從智者到法鼓雲雷搗判教復標宗巍然小釋迦四眾
歸若浩浩龍與蛇遂令三珠樹變作優曇花雄剎開
十二修禪爲根芽如何燼劫灰荒碑委泥沙塔院亦荒
落殘僧藝禾麻宗門尚直指經論等土苴寧知止觀義
坦道無岐差正法不終晦至人來非遐佇見乘願輪佛

日重光華

寒風闕

大小寒風闕高高插紫清風來嫌骨重雲至覺身輕借
問趨丹陛何如訪玉京樵蹤欲斷處鹿出萬松迎

天封寺

層巒如驚波琳宮壓其上結構既崇宏面勢仍清曠胸
臨大壑寬眼到層樓放端巖前山朝洶湧一溪漲晴雲
俯千盤高松摩十丈笑語飄天風翛然覺神王片石跌
聖僧雄刹自天矧中更幾廢興成毀由心匠賢哉智嶺
尼所作乃過量碌碌豈丈夫臨風默惆悵貴州魏學士
女嫁爲張總

遂初堂集

台蕩遊草

五

戎妻總戎死難夫人棄家爲尼號自覺
道行清高實新此刹所居名智嶺菴

芒鞋

一從脫朝靴是足始我有逍遙著方寫濶畧對賓友平
居覺安舒未便涉山阜策策換芒鞋任人笑羸醜梯空
健猿騰履險捷鹿走平凌石齒尖穩踏苔紋厚賈勇傲
山僧得路誇溪叟未知謝公屐輕利有此否萬事貴稱
意飾觀安足取策其先登功錫以竹杖耦汝莫愁出山
棄置同敝帚吾方五嶽遊與汝盟耐久

燒筍

多年不茹葷一飽甘葵藿本欲淡滋味寧復論佳惡茲

辰食燒筍過美非意度嫩如荔新剖脆若藕初削甘芳
無畱滓軟美不煩嚼獨烹謹火候至味謝鹽酪乃知下
方人所啖皆糟粕雜和紛肴蔬坐令真味薄山僧遇居
士作此慰寂寞不供肉食人恐損其脂膜願作台山農
長年分此樂只愁一箸餐減却千林籜

華頂峰

崑崙之脉從天來散作嶽鎮千瓊瑰帝愁東南勢傾削
特聳一柱名天台天台環周五百里金翅擘翼龍分胎
峰巒一一插霄漢澗瀑處處奔虹雷華頂最高透天頂
萬八千丈青崔嵬乘雲御風或可上我忽到之亦神哉

遂初堂集

台蕩遊草

六

遊氛豁盡日當午洞視八表無纖埃南溟東海白一杯
括蒼鴈宕青數堆千峰簇簇蓮花開中峰端巖一蓮臺
華藏世界宛如此醯雞不識良可哀渺茫誇閩苑荒忽
求蓬萊何如天台靈異在人境劫火不到無三災神泉
自流琪樹不栽彌山藥草滿谷丹材應真隱顯混樵牧
飛仙遊戲同嬰孩羲之乏靈骨太白非仙才已住神山
却歸去空餘石屋寒蒼苔我已夢覺墻根槐安能更逐
魚龍徑須習定棲峰頂飽看滄桑三百回

茅蓬雜詠

天台六十五茅蓬總在懸崖絕澗中落盡山花人不見

白雲堆裏一聲鐘

獨木爲橋跨澗低古藤緣壁自成梯板牆茅蓋團團屋
不著人間一點泥

坐對千峰不作門雲歸雲出在牀根鳥因就食當簷下
虎爲聽經傍砌蹲

矮屋低簷礙客冠繩牀土竈坐團圞定餘滿室生虛白
儘抵三千世界寬

溪山佳處結茅新買地無勞問主人耐得封山三丈雪
從君高臥一千春

巖頭老僧日一粥覆眼蒼眉面如玉更無一事到胸中
遂初堂集 台蕩遊草

七

閑掃藤花拾黃獨

一卷金經讀未終客來不起任從容脫罷袈裟徐作禮
問年笑指十圍松

分齋遠就隔溪菴汲水樵雲老尚堪莫訝孤單無伴侶
應真五百是同叅

道人家具一瓢輕獨自安禪獨自行信宿前山門不鎖
猿公偷點佛燈明

閉關老宿等鴻冥強爲人牽住祖庭山鳥溪花紛獻笑
此山頑石比人靈

天柱峰僧餉黃獨

黃獨分來瓦鈔邊香於紫芋大於拳笑他懶瓚渾閑事
誤却長源三十年

石梁觀瀑布宿方廣寺

五百仙人果位尊驅來鬼斧鑿無痕山根裂到巖頭合
天上流從地底翻萬丈冰綃懸玉軸千羣浴鐵走和門
斷鼇何事畱餘怒終古風雷白晝昏

豈必滂腸訪化城巖邊古寺景內清僧於紺髮光中坐
客在銀虹頂上行不夏松杉含雨氣無眠樓閣撼濤聲
應真畱我遙招手一墮紅塵便隔生

斷橋

遂初堂集

台蕩遊草

八

石梁奇共見人到斷橋稀澗路三春雪山糧一尺薇泉
穿仙掌落石捲渴虹飛疑綠潭無底沉沉玉漏微

珠簾泉

一片銀河水空懸珠輕勺落勢緩娟妙織痕無鯨
淚傾千束仙衣拂八鍊垂簾應有意滾洞鎖龍姝

萬年寺

平田古寺聳層樓水遶山環步步幽一壑松杉雲外冷
百函龍藏劫前畱賜衣天子難親到宋仁宗賜衣璽書
有云如朕親到

採藥山人快獨遊歸路不須愁黑月孤燈懸在萬峰頭

贈無礙禪師

不下台山三十年手栽嫩桂欲參天撥開古路荆榛裏
湧出精藍却火邊雙洞傳聲雷吼地八峰聽法雪齊肩
莫愁翳目看雲霧法眼還應爍大千

雨後尋龍湫

探幽不怕雨廉纖踏葉攀藤興轉添削鐵千尋無路上
九天垂下玉龍髯

桐柏宮

我讀坐忘論十年懷子微如何桐栢路不見綵鸞飛月
浸丹泉冷雲埋藥草肥金庭蕭索甚清淚濕天衣

瓊臺雙闕

遂初堂集

台蕩遊草

九

瓊臺屹立中天孤削成亭亭不用扶靈芝根莖蒼雪膚
台山之心仙所都百神上下風雨俱積高中央削四隅
俯瞰絕壁臨虛無雙闕巖巖夾雲衢靈溪百轉羊腸紆
繞溪秀藟千芙蓉雲中之君朝香爐玉女鵠立羣真趨
萬玉璀璨萬錦敷老龍守戶垂其胡靈湫百丈山腹剝
猿驚鶴慄無來途而我闌入心膽竊高攀天梯捫天呼
下搜雲窟餐雲腴曷不少畱作仙徒自顧落拓難牽拘
仙班禮法恐不踈不如逍遙作凡夫題詩問天恕狂愚

桃源

桃源無桃花山水乃佳絕始至覺蕭疎漸深愈幽折雙

崖爲曲屏組繡對披列石淨不受苔松清如漱雪山塞
途若窮溪廻境仍別碧潭清若空倒影諸峰潔珠簾掛
重重雲際露潛穴仙居旣清高塵滓非所屑如何啓劉
阮世緣忽膠結遂令惆悵溪步步生悽咽可憐欲界仙
情根曾未徹誰能喝金橋道人心似鐵

贈護國寺夢帆禪師

忘山忘院坐逍遙日酌桃溪水滿瓢却怪照師多一喝
眼明從不見金橋

導客重重入畫圖亂雲撥盡碧峰孤杖頭說法人聞否
親到桃源一樹無

遂初堂集

台蕩遊草

十

寒巖

嘯天獅子最嶙峋開口平吞摸象人雄拔萬山皆聳氣
孤高大士合藏身石膚剝盡存真骨雲頂單棲絕四鄰
會得寒山詩外句無邊煙景鎮長新

明巖

螿龍蟠處不容窺苦被松門散聖知天與石龕裁合掌
神供玉筍只單枝壁開削鐵看天小洞轉旋螺得月遲
把斷重關無路入惟餘水索透空垂

赤城

不共千山疊翠看獨將秀骨憂雲寒瓊樓削出三層峻

霞彩裝成一色丹影動天風孤塔迥門迎海日兩巖寬
玉京只在人間世未洗中腸欲到難

山頭有曇
猷洗腸井

蒼山九龍潭

芸芸天地間萬族皆可見龍胡獨幽潛出入以雷電幸
存所居潭蹤跡差可辨茲山靈奧區羣龍久分擅或晦
若甕井或明若庭院或爲蜂房懸或作螺角旋側掛藤
橫梁奔衝瀑垂練團團聚荷珠煜煜開鏡面漱不著落
葉清或浮花片如耽谷臥幽似鄙天行賤巖歛路千盤
壁窄天一線晴空蓄風雷盛夏含冰霰裂石雷爪痕噓
涎結香片想當開闢初龍德存海甸疏封此名山聽擇

遂初堂集

台蕩遊草

七

形勢便長攜族屬居不作玄黃戰有龍山則靈雲樹常
葱倩下方苦旱賜精虔此禱奠如絲一縷雲霖雨千村
徧我來敢褻晚良用窮神變一嘯沸圓波恍惚鱗鬣現

慧明寺

台遊例不到蒼山我爲耽奇肯憚艱觀瀑深穿棲鶻嶺
尋僧遠扣宿雲關聖師遺蹟麻屨古閨代畱鐘碧蘚班

寺有智者大師手書方等陀
羅尼經及石晉天福年間鐘

同是林梢出明月清光絕

勝在人間

贈天台令董恬瞻

紫府瓊臺第一山羨君爲吏在其間鳴琴人似仙班靜

羅雀庭如玉局閑課種每於金地立行泉時到石橋還
興公正有芒鞋約賦草憑君燭下刪

贈方方山

六十三翁尚黑頭健於蒼鹿逸於鷗山當絕險皆親到
寺最荒寒亦熟遊詩好半題臨澗壁書工每署看雲樓
一生占斷台山長那羨人間萬戶侯

贈馮再來少司寇

槐棘班中早乞身高情逸致渺無鄰謝公屐向登山健
白傅詩從入社新遺事網羅皆史筆名園點綴亦經綸
飽看宦海風波瀾始羨仙山穩坐人

遂初堂集

台蕩遊草

三

題修稷圖

人生作官如飲酒美醜誰能不沾口但令薄醉味有餘
無取昏酣到濡首東門二疏稱大賢右軍誓墓何其堅
急流勇退世有幾漏盡夜行良可憐臨海馮公信人傑
轉日移山樹勲烈飽看世路足風濤苦憶家山好雲月
開府侍郎官不卑蒼鬢黑頭身未衰早謝巖廊臥林壑
功成身退何悠哉赤城仙山連葢竹萬年藤杖千年鹿
彭澤柴桑多故人荷衣皂帽相追逐一觴一詠樂天真
藉卉攀蘿忘主賓詩成不讓蘭亭稷畫就長畱輞水春
試看朝市紛紛者正逐空華奔野馬秋風吹老不歸來

孤負尊絲滑盈把

柏貞詩爲李節母作

雙鸞珠樹正和鳴
豈料霜飈一夕驚
謝女已甘臨穴死
班姬終爲撫孤生
丸來熊膽心同苦
剪就冰花影共清
綽楔褒旌還有待
且憑銀管播芳聲

贈洪虞鄰

若阜

台山峭而淡
台水清且駛
其人尚節槩
自昔多君子
竭來見南沙
素心淡如水
早爲名省郎
萬事咨伯始
閩南作監司
嶽嶽著風紀
讀禮不復出
強壯謝青紫
卅載臥家園
竿牘絕片紙
唯當國兵荒
蠲賑談娓娓
著書高等

遂初堂集

台蕩遊草

三

身燦然有條理
考古洞淵源
論事達國體
發語必破的
所向無堅壘
志乘尤簡核
激揚有深旨
具此學與識
何慚古良史
通才老林間
堪爲廟廊恥
客居了無事
秋山對隱几
追涼展新書
快若哀梨美
側聞東壁樓
藏書富宛委
懸知去梯讀
百城脫如屣

題陳寒山畫像

古來學道人所貴
徹生死一身既能捐
何節不可砥
取義與成仁
儒釋同一軌
陳公生不凡
徵夢寒山子
因自號寒山
學佛通宗旨
而不毀世相
卓犖工文史
才華發性靈
忠孝敦素履
釋褐宰江干
政績多可記
遭讒乃林

居跌宕頗自喜及丁國步艱慷慨起田里奮麾魯陽戈
誓雪會稽恥崩天莫能支臣力盡鬪靡一死從彭咸寺
沼爲止水水淺復雉經從容等脫屣寒山古聖僧再來
良有以得非現儒宗解終而行起理事兩無礙真俗何
彼此來往乘願輪屈伸一彈指我欲拜孤墳霑霑雨不
止我欲訪遺文故字無一紙幸得披畫圖瀟灑風神美
前身與後身月影寒潭裏

鴈山百詠

鴈宕山名勝至多一峰一石各自標奇非大篇
長律所能綜括若賦此遺彼則罍漏實多因就

遂初堂集

台蕩遊草

古

遊屐所到各題一絕意有不盡則疊二疊三以
至於十凡百題得詩百三十首其非所日覩與
目覩而不知其名者皆不及詠以俟後遊焉

老僧巖

一峰卓立亂雲中圓頂方袍面面同欲表鴈山爲佛窟
先於谷口露真風

石梁洞

巖腹穹窿古洞開暗泉垂乳滑莓苔飛梁百尺橫空跨
疑是蒼龍飲澗來

謝公嶺

謝客才名滿世間
雜心未許扣玄關
一生不得參蓮社
覲面仍教失鴈山

靈運求入蓮社遠
公嫌其心雜不許

寶冠巖

石骨峻嶒盡裂麻
森嚴羽仗對排衙
峰巔畱得天冠在
瓔珞時垂五色花

含珠巖

石闕嶙峋不可梯
更懸危石拒攀躋
仙關何事煩溪鎖
恐有靈文秘紫泥

雙筍峰

雙筍織纖玉削成
望如駢輪却分莖
籀龍正有參天勢

遂初堂集

台蕩遊草

五

又被春雷一夜驚

照屏巖

鬼斧何年劈巨靈
方巖萬丈插青冥
百神端笏朝炎帝
絳闕中間卓玉屏

初月洞

洞口彎環似月牙
隔林看去隱殘霞
簷端片石垂垂覆
倒挂芙蓉一簇花

撲頭巖

嶽嶽鋒稜肖鐵冠
彈時猶自帶霜寒
千尋壁立無階上
影駭溪龍不敢蟠

石龜巖

石龜昂首入層空俯瞰諸峰勢獨雄儼似牙門排劍戟
中權一纛擁元戎

靈峰寺

看山看到靈峰寺始覺天公是幻師幻出千峰如蜃市
教人難畫復難詩
偶來絕境暫盤桓便覺身輕插羽翰羨殺山僧高掛鉢
一生長是倚簷看

羅漢洞

裂石千尋洞腹寬金容肅穆坐層欄電光一線天門闕

遂初堂集

台蕩遊草

去

遙見瓊樓濯露寒

踏盡飛梯透卷簷須知洞頂卽峰尖若於雲表承清露
何似天心吸水簾

鳳凰峰

威鳳何年下覽輝翹冠獨立羽葳蕤丹山未若靈山好
莫戀將雛又北飛

五老峰

五老駢肩復接蹤披雲拂露意從容想因貪看諸峰巧
不覺年深亦化峰

南碧霄洞

玉洞陰涵太古春石膚皴裂作龍鱗鱗間大有題名在
得到仙山總俊人

靈芝峰

亭亭獨立狀靈芝轉側看來面面奇選盡千峰無比秀
石如能妬亦孤危

瞻虎峰

舊說山君百獸尊嘯風一蹴上天門自從聽得靈山法
歛盡雄心帖地蹲

駱駝巖

常看駝脊峰相似今見峰形曲似駝穩臥綠蘿芳草裏
遂初堂集 台蕩遊草

肯隨鐵騎渡交河

鬪雞石

力角雌雄未可量剽姿悍氣略相當天雞不入開元隊
萬仞岡頭作鬪場

利牙峰

石作牙鋒銳不羣豁開齧齧透蒼旻嚼雲漱月偏高潔
懶與頑仙作齒芬

果盒巖

圓石中分一線橫磨盤果盒總堪名獨將渾璞參芒穎
奇陣中間出正兵

風洞

列岫中虛一穴通
溫涼不斷四時風
莊生放筆談天籟
不解于禺出此中

照膽潭

一碧涵空水至清
秦宮照膽鏡分明
靈鰻不肯貪香餌
獨自潭心掉尾行

白雨潭

潭懸飛瀑響如雷
入夜常如驟雨來
幾度夢中驚起看
一泓明月浸蒼苔

觀音峰

遂初堂集

台蕩遊草

六

大士化身千百億
石能肖像卽安名
鸚哥童子初無意
亦藉天工巧塑成

北碧霄洞

孤標一笋入天心
笋內空涵玉洞深
梵宇中藏看不見
鐘魚飄出海潮音

將軍石

碧霄院對數峰佳
簇似笙簧衆管排
頂入青天同一色
終年不受白雲埋

大筆峰

獨管單抽銳復圓
寧誇入夢大於椽
仙家別有凌空手

畫出卿雲綯九天

真際寺

澗路陰森萬木稠無塵古寺最清幽山僧不見但供茗
滿院蛩鳴如早秋

五馬峰

穆王八駿何曾到漢武千羣豈得來獨有馱經諸駿骨
嘶風盡日對香臺

石碑巖

岱頂曾看沒字碑此巖鐫削復因誰磨崖肯辱斯高乎
待勒新宮絕妙辭

遂初堂集

台蕩遊草

九

頂珠峰

圓石誰將峰頂安情知不落亦孤寒漢皇要吸三霄露
特敕金人捧玉盤

淨名寺

淨名寺路最蕭森門掩松篁積翠澗頭白山僧藏古蹟
烹泉掃石與披尋

荷葉峰

亦名眠牛峰

削立孤巖千丈餘寧知巖脚四垂虛但延日月無風雨
天與禪人作淨居

霞城嶂

斑斕紫翠一屏懸
髣髴殘霞襯碧天
不似赤城純赤色
薄施丹彩更鮮妍

石城嶂

石作連城澗作濠
叢叢萬雉插天高
城頭不測何仙住
時有香風墜碧桃

水簾洞

洞懸巖乳石纍纍
迸落幽泉脚散垂
竟日漏痕聞點滴
長如簷際雪消時

一線天

洞對圓峰恰一丸
露天如月蝕將殘
從來遊客羸疎甚

遂初堂集

台蕩遊草

三

只向山根仰面看

維摩洞

高俯諸峰一洞尊
雲牀泉井儼然存
維摩說法人聞否
削壁中開不二門

仙人橋

懸崖斷處仰攀窮
忽見飛橋架半空
畢竟升天還有路
仙衣輕颺六銖風

藥杵峰

銀漢低垂繞碧巒
清光不礙月團圓
一從竊藥姮娥去
玉杵拋來別殿寒

行道廊

樓閣天成衆寶坊更標一徑作迴廊峰根瘦削蓮花蒂
千匝經行繞蒂長

響巖

雙崖束斷白雲層聲蓄硤中出不能長嘯劃然山答響
只疑天際有孫登

聽詩叟

山頭石丈不凡姿側耳掀髯愛聽詩泉瀨松風真妙句
點頭惟有此翁知

臥龍溪

遂初堂集

台蕩遊草

三

數里清溪湛若空龍鱗細蹙白蘋風不辭百過褰裳涉
身在銀河皓影中

鐘鼓巖

天然鐘鼓肖形模長爲靈山倒刹扶萬丈華鯨俱毀到
不知能毀兩巖無

寺爲土人所廢鐘亦遭烹

鉢孟巖

雞足山中藏不住詎那掌上託還來當前應器無人執
天與飛泉洗鉢來

展旗峰

橫崖千丈映朝暎大旆當風獵獵翻舒去卷來仙掌裏

掃清雲霧豁天門

天柱峰

孤標一柱混茫中不與修織衆笋同大巧并無雕鏤迹
擎天畢竟是誰功

雙鸞峰

籠篔玉笋上無梯頂有雙鸞彩翮齊揀盡瑤岑與珠樹
孤高只愛此峰棲

玉女峰

雲鬢玉骨淨無塵帝女高居迥絕鄰不比巫峰態妖冶
幻將雲雨惑騷人

遂初堂集

台蕩遊草

五

獨秀峰

千尺亭亭立不欹端嚴勁直自天姿貞臣搢笏風標似
玉筍中間第一枝

卓筆峰

筆端銳欲掃千軍卓立蒼崖秀不羣盡日書空人不見
石飛泉立總奇文

平霞嶂

削成丹嶂界青冥錯錦堆霞燦一屏端笏衆峰旁拱立
諸天於此作殊庭

小龍湫

坐聞雷雨響晴空望若青天挂斷虹攀盡危崖泉始見
飛揚縹緲總隨風
非煙非霧結成團亂迸明珠著面寒噴落九天無倚著
一回飄灑一盤桓

龍鼻泉

畫龍畫盡蟠拏勢不及天然石骨奇尾卓雲中垂一爪
儼如潭底攫珠時

石能透孔龍方活孔解懸泉鼻始靈迸出蒼龍真玉髓
九霄仙露共清冷

玉骨青涵碧蘚滋日移松影滴遲遲故將一顆懸珠貴

遂初堂集

台蕩遊草

三

鬪取千尋裂帛奇

龍蟄澗山不記年尚能噓氣作靈泉風雷有日冲霄去
一滴還堪潤八埏

天聰洞

靈洞無蹤不可尋亂披榛莽入峰陰巖欹壁窄蛇行上
透入峰心卷耳深

洞頂窮時窅孔明窅間樹影翠交橫下窺一穴深無底
見說潛通到赤城

踏盡天梯最上關只言此境少人攀苗常好事先於我
斜刻題名碧蘚間

洞中有苗伯起
常寶臣題名

僧拜石

片石輪囷作勢奇老僧叅請具威儀清狂我亦如顛米
見石還多獨拜時

蟾蜍峰

海上靈姿見玉蟾何因高踞此峰尖月中涼影貪相對
時有銀光透碧織

安禪谷

坐有盤陀飲有泉天成石室好安禪不知寶掌生千歲
此地端居幾百年

靈巖寺

遂初堂集

台蕩遊草

五

靈巖坐擁衆奇峰天下名藍無此雄可惜劫灰零落盡
把茅孤露盡屏中

見說枯僧解說禪郡侯新與買山錢我來不遇空題壁
自拾松薪煮瀑泉

石屏風

山因遠寺半無名萬笏千珪盡削成喚作石屏殊樸畧
圖經誰與細搜評

小剪刀峰

織女朝朝理七襄裁成雲錦爛天章倦拋玉剪凌空墜
猶帶霞紋五色光

觀音髻

海舶看來第一峰翠如螺髻縮重重只愁絕頂窺難見
每被閑雲盡日封

芙蓉峰

列筍中間秀一峰含葩欲綻玉芙蓉白雲如水天如蓋
人在金臺第幾重

雙髻峰

佛頭青出白雲均雙髻盤盤覆玉毫真相由來難見頂
更無人測此峰高

獅子鼻

遂初堂集

台蕩遊草

五

獅子橫身古路邊雙懸鼻孔漫撩天洩雲吐霧多靈異
膽落妖狐不敢前

飛來羅漢

應真亦自愛仙山一葉浮來住不還萬仞岡頭看飛瀑
絕勝危坐法筵間

誦經巖

日照香臺霧不生忽聞天上誦經聲何方童子棲巖頂
水月光中自在行

羅漢寺

谷內鐘聲谷外聞寺藏松檜路難分山僧不乞人間米

自決清泉種白雲

滿川笙鼓鬧龍舟何似仙山頂上遊
一鉢伊蒲分佛供
薄雲疎雨看龍湫

時值蒲節

戴辰峰

南紀山高戴北辰煙籠霧蓋看難真
何當直上峰巔望
大地平鋪作白銀

火焰峰

羣峭都如火樹炎茲峰焰動更織織
化爲慧炬燈燈續
無相光中有妙巖

燕尾潭

遂初堂集

台蕩遊草

三

重重飛瀑穿巖下恰到潭邊燕尾分
影落寒潭清徹底
還如白燕掠蒼旻

斤竹澗

澗名曾入謝公詩白日清湍信可怡
方竹一枝僧斲贈
丁寧莫過化龍坡

能仁寺贈漢梅禪師

芙蓉古刹萬山尊不斷心燈聚此門
寶所可憐逢壞劫
八菴零落一鍋存

頭白梅公住祖堂十年辛苦架空梁
知君有意爲全了
緣薄唯憑願力長

常雲峰

常雲高峻切蒼穹絕頂常教紫霧籠
偶遇晚晴都揭露
帝青寶簇玉盤中

天柱峰贈雲峰禪師

古剎銷沉已百年團焦新構碧溪邊
休公逖迹耽吟眺
樹下題詩葉作箋

雲舒雲卷本無心門草無妨一丈深
解弄無絃琴一曲
詎那尊者是知音

錦溪

清溪無草亦無沙石齒鱗削玉斜
倒臥龍湫天上水
遂初堂集

台蕩遊草

三

縈成綺練激成花

千佛巖

一簇雲屏秀蔚藍齊抽玉笋碧純純
千華座土標千佛
誰住童真得徧叅

樹巖

嵩山漢栢枝如鐵岱頂秦松榦若龍
不似茲巖偏怪偉
雲皴霜剝百千重

道松澗

洞敞懸崖俯萬松陰不隔翠微峰
老僧畱我銷長夏
水滌肝腸雪鍊容

瑞鹿峰

不見熙寧古道塲
枯楓亂竹鬱蒼涼
山頭瑞鹿還岐嶷
獨自銜花供法王

閻王鼻

醜石枯槎怪百端
鐵圍變相盡應難
何人摸得閻王鼻
劔樹蓮花一色看

大剪刀峰

障日危峰掠面來
銛鋒搖動合還開
霞紋嵐彩朝朝變
知是天公費剪裁

側對橫看步步移
石帆天柱一峰爲
夏雲善幻應如許
遂初堂集 台蕩遊草

天

不道人間有此奇

鐵城嶂

削壁爲城黑四圍
日臨鐵甕澹無輝
行當骨冷神寒處
忽見長虹捲地飛

大龍湫

聞說龍湫瀑布雄
一回親見詫神工
懸空瀉落無根蒂
廬嶽天台迥不同

輕於霧縠薄於綉
碎剪銀絲萬萬條
倒捲迴飛難著地
層層盤舞下三霄

澄潭數畝傍巖開
水注潭心響若雷
躍起更爲衝激勢

颺馳霧捲逐人來

忽爲直瀉忽橫鋪
谷口風來應嘯呼
忽更斜飛無處所
隨風散作滿天珠

空靈變幻總如神
天上生龍不可馴
說與世人渾不信
漫誇玉練與天紳

水簾谷

左壁千尋飛瀑下
右巖數點水簾垂
天公手筆嫌重複
故裂輕綃作散絲

詎那亭

大阿羅漢心無住
亦愛龍面壁觀
一定千年猶未起

遂初堂集

台蕩遊草

无

誰於耳畔指輕彈

觀不足亭

左看天柱右龍湫
天下神奇指掌收
盡道一生看不足
何人信宿此淹留

石門潭

削立雙崖闔扇開
飛泉百道蹙轟雷
石痕盡作盤拳勢
曾透垂龍爪甲來

相傳石門是龍觸點

獅巖

巍峩當路一獅蹲
萬虎千熊氣欲吞
不是空王調御力
便應騰蹴到天門

象巖

截流香象勇無遮穩臥浚山獨蛻牙肯戀金門三品料
隨他仗馬共排衙

望天貓

畫貓未若茲峰肖聳耳昂頭喚不回莫是空中有天鼠
騰身欲與捕除來

鴈湖

鴈湖盡道險無倫荆棘漫山古路湮畢竟登山須到頂
何妨身作鑿空人

苦雨連綿應禱休一僧作導便堪遊貫虹射石憑吾勇

遂初堂集

台蕩遊草

三

無宿無餐百不憂

越嶺踰溪路幾盤攀藤梯石不辭難一筇透入狼狐穴
羸得樵夫膽亦寒

歷盡懸巖與削崖天棺橫塞峻無階奮身獨上三千尺

點額餘人不得偕

山絕處名
天棺岩

透過重關路却平翩翩真似御風行蒼龍脊上飛騰過
方見澄湖一片明

九天之上九淵藏此理憑何著揣量始信西荒星宿海

河從地湧發源長

湖是靈湫碧一泓只嫌葑草作叢生何當淨洗淤泥出

夾鏡交光相照清

誰道經秋鴈始來只今棲宿不曾回裂雲飛起一行去
久斷人蹤應見猜

萬山帖帖海沉沉身在瓊臺俯首臨一嘯天風飄下界
却疑雲際有龍吟

塔寺平沉語浪傳臥雲縛屋住經年

明季臥雲禪師
曾結茅湖畔

能遺世棲峰頂暫作瑤池半日仙

自性沙彌導游鴈湖酬以二絕

舉世無人識雁湖小師奮勇破荒途五丁一斧蠶叢闢
驚起眠龍與宿鳧

遂初堂集

台蕩遊草

三

重重扶我過危巒歷盡孱顏不覺難親濯湖波唯爾我
世人都向畫圖看

重過大龍湫觀瀑布

久住欣逢宿雨開仙山一去幾時來龍湫飛瀑真尤物
更著芒鞋看一回

急雨連宵捲白波瀑添新漲勢傾河一潭盡作明珠沸
飛沫飄來隔岫多

卷煙成片雪成團滾滾從空落玉盤更被瞳矐晴日照
珊瑚網映碧琅玕

瀑噴巖頭幾丈離循巖側立看方知更於湫內憑空望

天際龍髯冉冉垂
扶隱披潛薄有情巖腰高處見題名白雲菴路無人識
恨不龍湫背上行

重過靈峰寺

雁山名蹟披尋遍回看靈峰畢竟靈却似讀殘諸子史
重翻莊論與騷經
欲去還逢宿雨留細評泉石是良謀梯航他日重相訪
何似衝泥更一遊

清籟軒贈曇芳上人

泉響松濤入夢清夜聞風雨曉還晴道人面壁終年聽
遂初堂集
台蕩遊草

三

聽到無聲始識聲

贈栢林上人

傾蓋相依總宿緣最難山水共周旋與君旬日同遊屐
三笑爲圖好竝傳
燒笋烹葵味不窮苾蒨真率是家風他年一枕仙山夢
長在靈芝瘦影中

白溪出山

白溪新漲白於煙猶是靈峰澗下泉十里雁山遮復露
多情相送到江邊
乍來直似逢仙偶再到應如遇故人莫漫登程悵離別

別時重見轉鮮新

贈東甌守劉裕公

永嘉風土最清嘉雅稱君侯擁絳紗
夢草詩成賓從服
換鷺書出吏民誇
海雲飛處頻開閣
訟牒空時早放衙
最是心清堪臥治
隨車靈雨沛桑麻

單騎行田鳥不驚
評泉品石最多情
龍湫曉立看虹飲
玉甌宵眠待日生
屬吏每叅文酒會
新詩常對簿書成
風流文采如蘇白
不使前賢獨擅名

李烈婦

烈婦吳氏樂清貢士官之妻戊子歲避亂

遂初堂集

台蕩遊草

重

平陽過芙蓉江被掠欲自沉
恐不得脫乃掾簪
珥散擲兵爭攫取之
遂躍入水死時李生在玉甌
蜂夢婦泣語曰君在此
吾已至蕭家渡矣亟
歸求屍果得之蕭家渡
逆流四十里經十日顏

如生

羅陽山頭虎怒嗥
橫陽江邊人遁逃
兵來截江若風雨
殺人不殺紅顏女
李家新婦閨中英
求死不得機智生
亂擲釵鈿餌貪卒
躍入江心葬香骨
江流赴海如驚弦
風濤茫茫去無邊
如何烈婦屍逆流
上清川夢告良人
山之顛經旬如生
神凜然乃知貞魂
毅魄死不滅訶護

蛟龍召霜雪君不見清風嶺曹娥渡千秋下拜人無數
更添烈婦廟蓉江夜潮頭拍天怒

平陽學博沈升孜招飲署齋

愛君官舍似園居雲入軒窓鳥下除畱客江天梅熟後
開尊竹閣雨涼初清宵正好談山水冷署猶賢對簿書
爽氣朝來情不淺門生隨處擁籃輿

嚴九臨見贈長句走筆答之

嚴安才藻重蘋洲年少翩翩負笈遊賓館有魚千里近
海天多雨四時秋贈來佳句珠盈把看盡奇峰月滿樓
乍辦芒鞋能試否攜琴同上雁山頭

遂初堂集 台蕩遊草

言

仙巖飛瀑

仙巖飛瀑天下雄溪山第一題晦翁我浮扁舟溯新漲
溪迴谷轉聞疎鐘麗厓導師此卓錫芟除榛莽開琳宮
相逢一笑如夙契孤筇導客穿雲松奇峰齧天虎牙豁
怒瀑震地雷車轟渴虹千尺挂天矯冰納百幅懸瓊瓏
時隨迴颺濺飛沫梅天疎雨飄濛濛更尋雷潭攀絕壁
巖腹甕剖中嵌空俯窺沉沉黑無底轉石下墜聲鏗磴
遙看白波落雲際龍鬚冉冉垂天風三潭境界各清絕
冰壺洗面雪濯胸我登雁山及玉甌已詫鏡劃煩神工
不圖南遊復見此天公巧幻真無窮禪師兀坐萬緣息

話到山水還飛翀選徧千巖獨棲此詎那觀瀑將無同
一宿繩牀冷心魄朝來欲別愁匆匆奇峰秀壑領不盡
剪取匹練懸窓中

寶巖十景

石門鎖翠

石壁暗藏門遙看絕塵鞅唯容透關人披雲自來往

雲端化城

秘洞穿天心飛樓排月面撥盡萬重雲別峰許相見

北峰春秀

峰峰遙拱抱嵐翠日鮮新不斷花關落長畱萬古春

遂初堂集

台蕩遊草

臺

東谷夏陰

大地皆炎蒸此中獨涼冷人境兩忘時爐炭成冰井

西崖秋爽

西山如畫障挂我矮簷端落盡蕭蕭木蒼然玉骨寒

南屏冬日

蒼崖不耐冷曝背過三冬透漏真消息梅花破雪封

中臺夜月

何地無明月閑看只此臺清光與孤影徹夜兩徘徊

靈谷傳聲

懶與世人談聊共片石語問答無異音歷然具賓主

石皴流霞

奇石卓巖邊，纖纖欲刺天。一從成慧炬，無復劫灰然。

青蓮吐瓣

一片亭亭秀，分來千葉花。八風吹不墮，長傍法王家。

羅隱洞

玉洞開何代，隔林清磬聞。細泉荷卷露，壘石菌堆雲。訪古畱鴻爪，登危趁鹿羣。黃梁炊正熟，一鉢與僧分。

次韻酬天目和尚

三過本覺堂，披老真仙才。三到芙蓉亭，龐公絕點埃。而我無寸長，但愛捫蒼苔。喜遇補衲翁，虛空能剪裁。跨海遂初堂集，台蕩遊草。美。鹿金鱗彌天構，香臺仙巖遂。三至松月相徘徊，瀑流灑飛雨。潭石鳴轟雷，一一皆妙諦。何人不心開，飄然孤鴻去。瞥爾閑雲來，去來長不隔法幢。永無摧。

陸蓋思學博招飲署齋

永嘉舊是人文地，博士元非簿領官。署近洞天雲結蓋，家依講舍杏垂壇。異書銷夏搜殘帙，薄俸畱賓罄一餐。見說鍾嶸詩品細，敢將敝帚與君看。

酬鄭孝先林天杓

偶爲看山到永嘉，欣逢二妙盛才華。詞雄梅雨千重瀑，筆爛江天五色霞。拔幟已曾空壁壘，潛鱗寧久臥泥沙。

海邦大雅今寥落著述應須滿一車
題名北雁兼南雁落屐松臺復吹臺多愧子長真史筆
更慚弘景是仙才新知樂似奇書獲好句驚如異錦來
千里盍簪良不易布颿臨發轉遲回

贈陳星槎

能詩善畫白頭翁意匠真堪敵化工蜃海煙霞生筆底
龍湫巖壑幻胸中經鋤有子身堪老絹鞞爲材道不窮
贈我雁山圖十幅歸裝習習有清風

贈章千巖

雋

多才何意謝浮名廿載江湖橐筆行社預香山身未老
遂初堂集 台蕩遊草 三

詩畱輞水句逾清依人詎肯輕彈鋏著錄還應做輟耕
擬共仙山徧遊覽紫苔澗處竝題名

遂初堂詩集卷之十

閩遊草

江行雜詠十首

五年不上富春江買得漁舟恰一雙
小拾詩材儲篋笥平鋪畫卷對船窓
輕裝未別千松嶺遠夢先尋七里瀧
萬里一槎高興在衰遲未遣壯心降

綠滿秋江泛醞醅相風欲動早潮催
過雲山似褰帷出裂水帆如破陣來
南國初寒楓未脫殘秋逢閩菊猶開
蓴絲滿地無人採畱佐詩翁瀝盃

江山船製似編魚廣腹低舷帖水居
掬手清流堪滌硯

遂初堂集

閩遊草

一

推蓬斜日好攤書近人鷗鳥衝煙下
侵夢濤聲撲枕初偃仰此中差不惡
雞栖猶勝趁朝車

雙槳夷猶弄晚晴桐廬水色湛空明
涵將疊嶂不勝碧涉盡千江無此清
莎草最憐波底活遊魚可羨鏡中行
羊裘只合綸竿老多事君王記姓名

暎水連村樹樹紅霜餘烏柏勝丹楓
山添艷冶澗秋後天借繁華落木中
高下關情憑夕照淺深相間有疎桐
山家愛種非無意怕見春條轉眼空

蓬窓兀坐日蕭蕭靜閱楞嚴百妄銷
風起秋心生箬笠雨餘清韻憶芭蕉
排沙淨揀班紋石撥火溫蒸嫩藥苗

金馬玉堂成底事荷衣隨分且逍遙
繫纜長松復短松鄰船不約每相逢
戍樓警夜無全柝
山寺驚寒有斷鐘舉酒酌江憐月白
引裘加被覺霜濃
曉行慣逐篙師起恐失前山翠幾重
遲速江行不定程
幾看潮落復潮生
風來岸岸隨帆轉
灘至篙篙與石爭
快似玉鞭馳駿馬
險如鐵甲陷重城
年來閱盡榮枯事
順逆區區總不驚
一鈞涼月餞殘秋
欸乃聲中宿雨收
佳醞乍來中戶喜
名灘欲過長年愁
圖經疎謬當補文
獻凋殘未易求
寶婺括蒼名勝地
迴帆須作判年遊

遂初堂集

閩遊草

二

天與清狂福不慳
無邊風月柁樓間
秋林疎瘦郭熙樹
曉景熹微馬遠山
身退江湖原自濶
心空日月本長閒
此生已辦終焉計
不上浮槎卽閉關

溪行雜咏十首

仙霞南下無平陸
盡日盤迴亂石間
已遣道旁堆犖确
更教波底轟孱顏
強拖舟入裁通水
意擬溪行却在山
顛石韶瀧稱絕險
何曾得似此間關

豸角牛頭險不禁
最難防是乍浮沉
橫槎曲檻欄江密
銳石斜礁隱浪浚
柁轉數彎危走馬
船投一孔狹穿針
任驅鬼斧難疏鑿
設險由來造物心

走馬穿針
皆灘名

樟灘塔嶺遠知聞溪別東西險不分錯落八行魚復陣
縱橫千隊水犀軍彌陀漚曲船磨石黯淡瀧高浪切雲
直過龍津始空濶盤渦猶作滿川紋

快意驚心是下灘逆流爭似上灘難攀躋分寸愁欹岸
跌落千尋畏急湍進艇恰尋危石罅牽絲遠上碧雲端
闌風伏雨如添勢尺步真當濫瀕看

溪船一例號清流窄窄船身短短頭門小不容舒眺望
蓬低裁足展衾幃臥看書卷聊排悶側睇雲山薄解愁
白舫青簾元不惡問君何事客炎州

閩山秀削復葱蘢夾岸臨溪紫翠重船轉不時逢削壁

遂初堂集

閩遊草

三

雲開有意露奇峰青無頭畝籠岡竹老謝樵蘇冠嶺松
豈獨武夷誇勝妙一丘隨處可支筇

清絕延川好溯洄舟行百折與千迴山如襟袖交加掩
水似羊腸宛轉來蒸紙績麻人樂業挾書懷槧士多材
炎方信是知春早十月江梅已盛開

水市山村舊不貧年荒兵後少居民燎薪野岸客防虎
打鼓溪更巫降神地僻不曾疎漢法山濠或恐有秦人
解刀買犢須良吏寒谷先噓煖律春

天南風物異中州披葛經旬更著裘跨水有橋皆覆屋
傍村無戍不爲樓榕陰愛向當門綠蘭草偏宜出谷幽

只有難爲傾耳處，禽言人語兩啁啾。

閩嶠兵戈實飽經，昔年文獻久凋零。麻沙舊刻無完板，
徽國元孫僅一丁。訪古殘碑時洗剔，懷賢短棹漫淹停。
二毛漂泊風霜裏，誰識荒江有客星。

長至後二日汀州傅浣嵐太守招同郭外看梅爲

賦長句

臨汀冬月天新晴，江梅破萼霜花輕。郡侯心閑足幽興，
招客同作探梅行。初出郊原見浮白，漸穿籬落披繁英。
一夜天花綴林滿，千堆香雪填村平。鋪茵花下看逾好，
問爾花開一何早。暖律能爭造化先，貞姿故敵冰霜老。

遂初堂集

閩遊草

四

我行梅嶺不見梅，江鄉正月花含胎。寧知汀南甫長至，
千村萬落參差開。使君宦遊廣見此，歎奇絕而我懷鄉。
人把翫不忍折，興來更上最高峰。下看香海煙濛濛，一
聲鐵笛喚么鳳。走報素女瑤臺中，琪花萬樹墮塵世。得
非有意誇詩翁，上林盧橘能夏熟。曷不徙植明光宮。

再同浣嵐看梅分賦

嶺上驚看一樹新，寧知爛熳此江濱。香風十里尋來遠，
雪片千村綴著勻。不共春葩爭艷冶，偏將冰萼鬪精神。
憑誰寄與孤山去，腸斷天涯瘦影人。

使君瀟灑足清歡，減從攜尊到藥欄。細弄玉簫驚魄醒，

高擎銀燭照粧寒夢回仍有香侵袂賦就何妨鐵作肝
堪笑揚州老何遜惟將東閣一枝看

朝斗巖和韻

削壁懸崖路幾盤丹樓迥壓玉闌干山緣拱北星辰近
地更無塵竹柏寒俯視斗城青杳靄平臨香海雪瀾漫
汀流何事偏南下天與危峰障急湍
坐斷松門一百盤無心與世更相干苔封繡壁乖龍睡
月浸空亭石佛寒遊屐到來霜葉擁樵踪歸去暮雲漫
算來銷夏無如此閑掃桐花漱碧湍

送周龍客遊三山

遂初堂集

閩遊草

五

司農厚德繫人思公子翩翩玉樹枝燕去烏衣無舊業
花生彩筆有新詩薄遊一棹江楓冷爲客三冬嶺雪遲
及見郎君騎竹戲康成老去淚如絲

謂樂園門人黎槐曾

明燈官閣敞華筵送雨清溪穩放船劒浦過尋蓬矢地
龍客生於延平榕城到及早梅天旁搜軼事添家傳細錄豐碑
副史編持節故人情不淺

謂臬司江梅菴

可能葛帔不淒然

寶勝菴

數弓精舍俯寒漪借與維摩半榻空蔬笋齋分香鉢裏
鐘魚清徹夢迴時不須懸畫山圍屋正好觀心月在池
料得萬家塵擾擾此中幽趣少人知

遊上杭金山作

汀南山萬重紫金特雄秀拔地千芙蓉一石所鑿就無
峰不峻嶒有穴皆透漏陽岡覆淡松陰崖瀉奔湏磴道
歷百盤闕天始出曩垂頭看雲霓舉手摘星宿琳宮三
四區層疊綴巖岫金殿在上方排雲出華構境寂鐘魚
清山寒竹柏瘦更上越數峰嵐開豁晴晝汀流曲若環
杭城錯如繡遙青辨粵東遠黛入江右山顛涌靈泉一
泓清可漱神龍灑爲霖亢旱資補救良金閉古坑文石
發新竇天空萬象殊地迥百靈輾我來有夙緣勝侶欣
邂逅藉茲眼界寬一洗塵土陋重遊未可期欲別詎忍
遂初堂集 閩遊草 六

驟長嘯下天門白雲攜滿袖

中峰寺

蒼山峻出白雲端喜有精廬絕壁安坐處不知高萬仞
到來惟覺路千盤飛泉響落晴疑雨古木陰濃夏亦寒
善畫也應難著筆奇峰盡日倚欄看

寄題圓通寺

圓通聞在萬峰顛大地平沉別一天寶剎重重開梵網
奇峰面面簇青蓮三災不到清涼界萬法俱融透徹禪
擬學淵明來入社欣逢惠遠虎溪邊

劉幼職假翫文石詩以酬之

物產信多奇怪石非一狀茲石出江心品列巖岫上滄
波久涵浸銀礫相摩盪輝輝月魄融藹藹玉色益雕鏤
非人工渾成自天匠面如老僧趺背若團扇障竟體作
奇文貝錦詎可况天風翻大波魚鱗感細浪形雲夾日
看朝虹亘天望大巧樸而文千年闕龍藏漫爲田父得
終作詩翁貶人顛粗似米石古合作丈珍護過天球摩
挲手不放知我嗜奇者借觀索新唱山齋十日畱把玩
傾家釀愛其秀潤極儼如璧人傍未敢久淹閣主人恐
惆悵題詩送之歸此君幸無恙

遊水南梅莊

遂初堂集

園遊草

七

九十日春五十雨落盡梨花不出戶朝來晴霽天氣新
屢誤遊期尚堪補良朋入座無多談芒屨相將遊水南
水南杭川最佳地三折中間一洲綴人無別業專藝花
萬木陰森翠無際竹籬茅舍百十家家門前鋪落花
人意蕭閒物態靜衆香國土無塵沙竟日盤迴綠天裏
俗籟凡襟淨如洗轉入梅莊更豁然池館清幽花竹美
高樓正對紫金山尊巖如王不可攀七峰峻嶒聳豸角
美女娟妙低煙鬟城堞參差露華棟倒影波心欲浮動
清溪約山平不流風帆煙鳥紛相送主人好事挈榼來
清言雅詠相徘徊劃然長嘯山答響遙勸山靈酒一杯

大冠修劔足荆棘青門紫陌多塵埃童冠風詠有天趣
而我不樂何爲哉如此山川良可懷重遊但願風日佳

美女峰

聳翠清溪上亭亭十一峰欹斜偏有態淡冶爲誰容石
竹含煙潤山鵲帶雨濃攀躋不到處雲外一聲鐘

愛向溪山宿都無俗累牽僧房危石底客枕濕雲邊幽
境欲無夢清言易入禪雨歸沾濕好巖瀑百重懸

普陀峰

客居苦岑寂青山差可交普陀有佳色不與羣峰泝策
杖恣幽討微徑緣巖磬奇石作人立清泉疑虎跑萬松

遂初堂集

閩遊草

八

攢一翠白日行林梢老僧遺世者蓋頭以把茅枯木憑
作几冥棲如鳥巢風磴陟百層古殿藏雲坳石瘦足香
茗潭澗有潛蛟臨眺窮下方綠樹間丹苞秀野錯若綺
重巒疊成爻攀登不知疲我友攜行庖醇美識家醞芳
辛辨山肴觴詠竟日夕悠然謝喧曉浮生草上露世事
風中泡奈何縛名利窟如雀黏膠高懷寄山水古意存
陶匏且舒孫登嘯休解楊雄嘲

贈汪悔齋年友

海內論知已休陽洵絕倫
崢嶸經世業磊落濟時身
霜柏儲才大鋸刀淬鏗新
升朝以文學報國用經綸
奉使

窮漠外宣威絕島濱天心眷英略俗態薄文人出守官
仍紉孤忠道竟伸冰壺懸皎潔玉柱聳嶙峋葑屋歌廉
范 楓宸簡寇恂超遷予持節重寄表全閩察吏六條
肅平刑九棘均小心精法比明目廣咨詢奏讞釋之允
平反定國仁外臺無滯獄一路少寃民 酒酒浪颺
馳哀哀塵子身為祗柱雅志在埋輪力撥牙絃正潛移
黍谷春具僚資表率薄海荷陶甄豈意鄒枚選居然羊
杜鄰人材那可測吾道未全屯憶昔同升日恭逢戡亂
辰闕門求俊又側席待沉淪禮過徵黃綺人如得毅辛
殊榮開禁近異數寵儒紳虎觀聯翩入 天顏咫尺親

遂初堂集

閩遊草

九

卷納金匱秘饌給尚方珍賦擬追揚馬書將敵范苟蛾
眉原易妬龍性况難馴蘭忌當門種魚憎出隊鱗未須
辭諤譎已覺罾申申射影機關巧擢幢放逐頻不才甘
瓠落朽質自輪囷一鍛蓬山羽長依笠澤尊分畦栽藥
草芟徑理松筠跛脚攤書榻蒙頭漉酒巾探奇窮岳瀆
訪古徧齊秦命駕時千里掩關或百旬著書希待後味
道欲尋真散木安溝斷羣材歎積薪幾多隨逝水強半
逐漂蘋瓜摘愁連蔓花飛少墮茵棄捐非 燭取次轉鴻鈞岐鳥祥因鳳郊蹄瑞爲麟一夔堪補衰

六逸且垂緡嶺路峰如繡溪灘浪似銀黃甘香掩冉紅
荔熟圓勺偶想班荆話聊爲下榻賓非君敦夙好古調
若爲陳

西禪寺啖荔枝作

荔枝信仙品色味香三絕所貴餐鮮新風韻天然別陳
紫與方紅名種漫標揭經宿輒變改徒勞遠提挈我思
就樹餐好友相贊決長慶古道場林溪地幽潔有荔數
百株森若翠蓋列壽者或千年磊砢見高節丹苞綴離
離綠雲點猩血畫筆染不成清香隨風徹須臾摘滿籠
露珠尚停結徐徐絳囊剖宛宛輕綃掣冰丸映若空瓊

遂初堂集

園遊草

十

漿迸欲裂綽約素膚凝晶瑩玉肪切無滓入口融有液
沁脾冽清疑仙掌露涼比天山雪誰誇葡萄萄甘詎數楊
梅熟一餐此奇勝餘品皆凡劣楓亭與漳浦佳種人競
說安得到彼中芳鮮親採擷歸來北窓眠餘韻猶在舌
萬事貴掇新轉眼菁華竭可憐華清宮殘腊猶咀噉

汪悔齋臬使餉楓亭荔枝疊前韻

荔枝貴佳種凡品乃懸絕譬如王謝兒超然氣韻別上
產出莆中品第舊譜揭楓亭近得名筐盛與籠挈珍重
獻上官疾走須踵決一宿香未變露顆猶新潔外人希
得嘗庸品漫羅列注公吾故人官尊到持節饋遺却銖

忝謂是民脂血薦新獨畱此愛其芬芳徹憐我渴相如
分餉慰煩結堆盤千火齊餼綃不畱掣入手玉彈圓落
喉冰漿裂核小吐若無肉厚脆可切衰梨遜爽美綏桃
讓甘冽人言荔帶酸得此枉始雪如對藐姑仙一洗俗
腸熱如騎汗血駒一空凡馬劣真味祇自知雋永那可
說驛致尚如此何況披露擷不虛萬里遊仙味幸霑舌
羣公侍金門奏草才思竭徒聞貢生荔一丸焉得啗

閱曹秋嶽先生與陳伯騶荔帖中有長句推重及
余輒步原韻志感兼與伯騶索荔

海天一鶴孤飛迴故人珍重芸緘開先輩風流見遺墨

遂初堂集

閩遊草

七

冰壺濯露無纖埃折節窮交若昆弟百念灰冷惟憐才
角險爭奇必移晷手摘天葩賤凡綺目空萬馬無神駿
謬賞名駒足千里富平之李松陵潘南北詞壇相對起
獨鑒惟同老友論狂瀾思用一柱砥哲人去矣蓬山遊
鳳毛鴻爪人間畱志業蹉跎負知已瓢笠剩與江山謀
飽啖荔枝思勝畫有同拔士須拔尤憑君遠餉勿謙損
品第曾經第一流

勝畫荔名
出長樂

簡陳伯騶兼索長樂荔支 曹溶

好風吹送吳船迴柳花如雪山房開四海何曾慳武
庫一方且得除昏埃赤豹眠雲閉深壑青芝映日憎

凡才志士不樂玩修晷須向詞場刷凡綺富平李君
擅長句秦關擊柝動千里陽九生才每不窮潘生近
自崧陵起過此江河看善下雖有巨障莫可砥子將
訪友更遨遊我獨奚爲畢歲畱草衣掩泣馬塵下飽
啖荔枝非人謀閩南此果倫類雜誰握冰鑑登其尤
頰玉克盤却驕暑雲峰高瞰洪濤流

伯騶餉長樂荔枝壘前韻却寄

江船侵曉乘潮迴封題鄭重筠籠開殷紅照眼三百顆
驪珠出水鮮無埃一嚼冷然賞高韻林下風骨神仙才
清香襲人欲移晷涼入詩脾濯錦綺蘇門逸嘯對孫登
遂初堂集 閩遊草 七

洛水清遊共千里佳處可領不可說木落山空見雲起
光音天人厭地肥乞與瓊漿齒一砥消渴文園已倦遊
端爲此味成淹畱君家久住荔陰裏掩露而食誠良謀
紅塵中人夢不見利名渴死天何尤期君更作釣鼈約
蓬瀛濯足清淺流

遊鼓山憇白雲廨院

暫歇籃輿步石梁院門古樹綠千章僧來雲窟衣衫潤
客飯榕陰几簟涼百道飛泉歸絕澗一聲清磬出新篁
人生豈合理塵土世味何如道味長

湧泉寺

山行不見山，溪松覆如幄。滴翠沾人衣，晴雲時滿掬。修磴延清風，危亭肆遐矚。忽聞鐘魚聲，招提在巖腹。規制特崇宏，威儀殊肅穆。客至浩如歸，旋汲新泉沐。院主法臘尊，道風聞九牧。軟語接凡夫，劔鋒不可觸。山空月華朗，夜靜天香馥。自然生道心，無勞遣塵俗。高齋涼如秋，一榻清寐足。可歎市朝人，紛紛夢蕉鹿。

喝水巖

鼓山厚而藏，茲巖特呈巧。山骨露無餘，削成類天造。兩崖劃崇墉，一澗鑿深沼。石奇天卓笏，木古龍垂爪。靈境開鴻濛，殊庭割昏曉。仄徑循懸崖，下闕絕壑窅。清泉吐

遂初堂集

闕遊草

三

龍頭餘潤滋，苔草廣亭可。盤桓炎威失，如掃攀蘿過。石門道窮出，雲表落日照。江洲毫末皆可了，此地信名區。來遊古不少，題名石如林。爵系半可考，筆蹤儼猶新。其人骨已槁，未知天地間。何物差難老，百年駒隙中學道。苦不早曠觀，發遐思。興言曷同抱。

國師塔

一枝聖箭透重城，千載南荒祖。令行無縫塔，中標塔樣。隆隆石鼓半天鳴。

鳳池菴

行盡茶園到鳳池，山巔奇絕貯清漪。靈禽乍浴人稀見。

僊藥叢生僧不知雲戀塢浚遲出岫竹當峰缺早抽枝
寒山去後豐干老懶惰無心覓虎騎

白雲洞

石洞肖獅口本是雲所居山僧占之住夏屋寬有餘雲
意未忍別賦質幸清虛共住亦何礙來往成相於徘徊
几榻間乍卷還乍舒我來值雲去餘潤猶在裾垂頭看
下方川原綺繡如榕城十萬戶照耀日出初樓臺及門
觀歷歷掌上臚有時片雲起大千覆須臾浩如泛瀛海
獨立騎鯨魚茲地洵幽迥泉石亦不殊賴有雲變化奇
態難爲書割贈諒不可僧云祇自娛

遂初堂集

閩遊草

古

登岩崩峰絕頂

北溟之魚南溟鳥飛騰變化窮八表吾生何爲居甕中
百年甘作醯雞老所以登山必登巔欲舒雙眼青霄邊
鼓山之頂出雲際眺望可盡東南天我來值晴明萬象
何澄鮮山川見條理原隰分術阡南條之山盡閩嶺奔
騰到海何雄猛龍蟠虎踞開名都萬壑千峰脉井井重
江西來匹練長迴環曲折遶大荒日照遙沙作金色窮
溟無際青茫茫粟散百千國浮沉海中央蓬萊清淺凡
幾度仙人頻見還心傷下視榕城青一簇摩肩轂擊爭
相逐王圖霸業總成塵達者觀之蠻與觸誰能徑上七

金山大千世界臚掌間淨居天上清涼境罡風吹墮何時還

再宿列祖堂

山徑涼無暑虛堂夜更清風來天界澗月到上方明勝友無凡語高僧不世情汲泉烹茗罷團坐話無生

本是清齋客貪來佛地居戒香薰鉢納塵夢警鐘魚祖位燈相續開山後共入十五代禪師禪關箭不虛周何同有累勇割

意何如

贈爲霖和尚

龍象凋零末法秋一尊古佛在南州普將一雨霑羣品

遂初堂集

聞遊草

五

牢把重關截衆流和尚不輕付囑故云石鼓傳聲雷震地金輪坐

斷雪盈頭永明筆舌慈明眼度盡衆生願始休

吸江蘭石

樹合疑無徑峰迴忽有菴江光甕牖得雨氣石林含屋小偏空坐僧孤似可談巖棲應就此彌勒許同龕

題武夷萬年宮

路接仙源步步幽瓊宮肅穆枕丹丘陰濃萬樹深藏殿翠掃諸峰半入樓薛壁題名龍漢劫羽衣吹笛洞天秋羣仙小別經千載試下虹橋話舊游

十月望日同劉渭生徐肖未諸子宿天游閣

夙聞天游奇今識天游路胡麻澗裏曲磴藏仙掌峰巔
孤閣露地高復在山中央俯看羣岫兒孫行九曲溪環
盡縈折三台峰對無低昂我來恰值風日美落照層層
見蒼紫須臾皓月行空天白浸千巖淨如水地主好事
攜尊來一掃萬古塵襟開濯魄冰壺不知冷天風載我
浮蓬萊欵枕不成寐喔喔天雞聲披衣推戶翫落月寒
煙漠漠埋山平鴻濛天地不辨色但聞溪灘流水鳴琮
瑤東方日高嵐氣伏漸漸峰尖露微綠忽濃忽淡鮫綃
橫乍合乍開波浪蹙飯罷游雲始盡除山川揭露轉清
曠佳士彈冠新沐後美人櫛髮曉粧初六六奇峰甲閩
遂初堂集

閩遊草

去

嶠茲閣居中領其要四時明晦總相宜雨岫晴巒盡靈
妙雲海今朝成大觀何當終歲此盤桓未飲刀圭先換
骨此身已在白雲端

壽黎愧曾

我行數千里恨不見偉人文獻竝凋殘往事誰討論
汀萬山中地樸民風淳乃有黎大夫巋然靈光存公少
盛文譽華星燦秋旻早射彤庭策司李饒江濱冰壺凜
清操斷事明如神治行推第一單車入西秦揚旌烏鼠
月駐節崆峒春三遷按靈武寇亂方紛紜畫灰決軍事
舉扇清邊塵功高賞不酬強健遽乞身高臥龍山陽悠

然對松筠林居十六載無書到金門戎昔仰風概雲龍
不可親茲來接親誨溫溫如飲醇門風比萬石鄉里推
荀陳著作爲必傳老筆彌清真只今杖國年矍鑠無與
倫香山樂池上放翁老山村天畱不盡福晚節揚清芬
丈夫壽千古薜華安足羣但能書琬琰何必圖麒麟

遂初堂集

間遊草

七

寄黎愧曾

我行數千里恨不見偉人文獻竝凋殘往事誰討論
丈夫壽千古薜華安足羣但能書琬琰何必圖麒麟
齒香山樂池上放翁老山村天畱不盡福晚節揚清芬
荀陳著作爲必傳老筆彌清真只今杖國年矍鑠無與
倫香山樂池上放翁老山村天畱不盡福晚節揚清芬
丈夫壽千古薜華安足羣但能書琬琰何必圖麒麟

